


Coll. Rom. Soc. Sci. con. man. ex lib. M. M. M.
2
48
GVL: FORNERII
ANTECESSORIS AVRELII
SELECTIONVM,

34-6-211

Liber III.



AVRELIAE,
Ex typographia Eligij Gibicrij, Vniuersitatis typographi.
CVM PRIVILEGIO REGIO.
M. D. LXXIII.

GAL. FORN. II
ANTHROPOLOGICAL
SECTION

PLATE III.

ANTHROPOLOGICAL
SECTION
PLATE III.

CL. V. HENRICO
MEMMIO REGIO SACRI

GALLIARVM CONSESSVS CON-

siliario, & reg. Nauar. cancellario,

Gul. Fornerius S.



V E me primùm causa, ut tibi
electionum libros inscribere, impulit
Memmi V. C L. eadẽ hoc tempo-
re colendi & obseruandi tui multò
iusior videri debet: qui me incredi-
bili humanitate complexus, ut olim præceptis institutisque
Iuris prudentiæ auditorem informasti: sic nunc ope, consilio,
gratia ita tuendum suscepisti: ut nisi animi perpetuò grati
testificationem edidero, acerba posthæc & iniucunda vita
futura sit. Quamuis autem cùm mihi multa ad eam rem
præsidia desint; tum verò summus dignitatis tuæ gradus,
legationum obitarum gloria, excelsi acumen ingenij, tuorũ
denique in me meritorum magnitudo, remunerandi vicem
inuideant: Tamen quoniam ex quo tu præcipuè ex om-
nibus consiliariis regis vnus, concilianda pacis sequester &
interpres delectus, literatis otium peperisti, studiaque legũ
prope ab interitu vindicasti: honorum accessione maiorem
tui in me amoris cumulũ; & actius euehendi ornandique

A. ij.

mei studium perspexi: bono animo esse institui; omnique of-
ficio ac pietate conniti, ne te patrociniū, me clientela &
obsequiū pæniteret: Ut aliquādo intelligas, mihi non ut aris
alieni dissoluendi, & referenda gratia facultatem, sic &
animum habenda de futurum. Quid enim vel optatius
vel honorificentius acciderit, quā istius fidei liberande
causa, sapius te auspicijs librorum appellare: & ultro ces-
sationis vsuras, ac morae nulla mea culpa contracta pretium
dependere? Quod si qua Iuno lucina laboranti opem ferat,
partus nostros edemus facilius: quos si tibi placere, hoc est
vivere sensero, equidem non minus gloriabor, quā se bea-
tum fore predicabat Plato; si quas ipse descripserat leges
ciuibz probatae, in vsu versarentur. perinde atque artifex
signa & tabulas à se pictas sensu motūque praeditas gesti-
entes intuens, afficeretur. Vale. Aurelianus. XII.
Calend. Augusti. CIO. D. LXXII.

GVL. FORNERII SELECTIO-
NVM, LIBER TERTIVS.

L. III. De testib. duo Harmenopuli loci correcti.

CAPVT PRIMVM.



VÆDAM à Callistrato D. Adria-
ni rescripta referuntur, quibus se
testibus, non testimoniis, credi-
turum profitetur: *Quòd crimina,*
inquit, objecerit apud me Alexan-
der Apro, non probabat, nec testeis
producebat, sed testimoniis uti volebat; quibus apud me
locus non est. Nam ipse eos interrogare soleo. l. iij.
De testib. Cuius sententiam Harmenopulus lib. j.
tit. vj. sic extulit, τοῖς μαρτυροῦσι καὶ ὅ τοις ἐκ μαρτυρίαις πιστευ-
τέον. αὐτοπροσάπως γὰρ ἐρωδιῶσαι τῶν καὶ τῶν διχαστῶν. Sed
corruptus videtur locus: ac pro ἐκ μαρτυρίαις, esse vni-
ca dictione legendum ἐκ μαρτυρίας, satis ex Arpocra-
tionis & Sudæ collectaneis arguitur. apud quos
ἐκ μαρτυρία ἀφερέτῃ μαρτυρίας· ὅτι ἡ μὲν μαρτυρία παρόντων
παρεσίου δηλοῖ, ἡ δὲ ἐκ μαρτυρία τῶν ἀπόντων: ut illa qui-
dem testeis præsenteis, hæc verò scripta absentium
testimonia significet. Quāquam Iul. Pollux Ono-
mast. lib. viij. μαρτυρίας definiat, eius quod quis ipse
viderit testimonium: ἐκ μαρτυρίας verò, quod quis ali-

cunde didicerit; rémque ab eo, qui prior viderat
 rescuerit: quod vulgò *testimoniū de auditu* dici solet.
 μαρτυρία χαλῆται, ὅταν τις αὐτὸς ἰδὼν μαρτυρῇ· ἐκ μαρτυρίας δὲ,
 ὅταν τις ἀκούῃ ἢ ἰδιότιος ἀκούσας λέγῃ. Alia est igitur præ-
 sentium testium auctoritas, alia testimoniorum
 quæ recitari solent, vt eiusdem principis rescripto
 continetur. d. l. 3. §. Idem. §. Eiusdem. Præclare igitur
 M. Cicero pro L. Flacco, cōturbata Græcorum
 testimonia, quæ cæca vocari Donatus in Teren-
 tium obseruauit, irridens, *Sic sunt* (inquit) *expressa*
quæ recitantur psephismata, non sententiis, neque au-
toritatibus declarata, nec iureiurando constricta; sed
porrigenda manu profundendoque clamore multitudinis
concitata. Idémque eadem in oratione, Falcidiani
 criminis accusationem eleuat: quòd is qui se talen-
 ta quinquaginta Flacco prætori Asiæ dedisse di-
 ceret, testis non adesset: epistolam eius mater pro-
 ferret, alteram soror scriptam ad se diceret ab illo,
 tantam pecuniam Flaccò datam. Ergo, inquit, *is qui*
si aram tenens iuraret, crederet nemo; per epistolam quod
volet, iniuratus probabit. Eodem pertinet illud, *Sola*
testatione prolata, nec aliis legitimis adminiculis causam
approbatam nullius esse momenti. l. 3. C. De testib. Vbi
 equidem testationem prolata, τὴν ἐκ μαρτυρίας, scri-
 ptum videlicet absentis testimonium, recitatumq;
 interpretor; aliter atque Accursiani omnes, fateor:

sed nec absurdo, nec alieno, ut spero, sensu. cum alibi testimonia, & iuramenta scripta, & instrumento excepta, legamus. l. 14. Theopompus. De dot. præl. l. pen. De crim stell. l. 1. C. Si aduers. vend. l. 3. C. Si minor. se mai. Photius Nomocan. tit. v. cap. xxix. quæ multò minus ponderis, quàm quæ corporaliter & ἀυτοπροσώπως præstantur, habere debent. Nec enim per scripturam testium absentium pallor, tremor, rubor, titubatio, animi præsentia, aut consternatio, iudicis religionem instruit: nec præmeditati suspicio sermonis proditur epistolâ, quæ non erubescit, ut ille ait. Quamobrem Cornel. Tacitus lib. ij. Augustæ historiæ; Ad Vrgulariam, quia testis in quadam causa venire in forum dedignata est, missus est prætor, qui domi interrogaret. Idem in dialogo De claris orator. Cum in aliquam, inquit, inuidiam, aut crimen vocati, sua voce respondendum haberent: cum testimonia quoque in publicis, nō absentes, nec per tabellam dare, sed coram & præsentibus dicere cogentur: Ait, *In publicis*, eleganter, sine adiuncto: ut Martianus l. 24. Marito. Ad leg. lul. de adult. *Publicorum*, scilicet iudiciorum. Martianus lib. ij. Publicorum. l. 7. Reos. De pub. iud. Defectus vel ornatus similis l. 3. §. In his. Comm. *Actiones stricti*, suppresso verbo iuris. In publicis ergo tabellare testimonium non

A. ij.

audiebatur: meritò. Etenim verèdum est id, quod
 Constàtinus de rescripti denūciatione, seu editio-
 ne agens, *ne priuata testatio mortuorum, aut in diuersis
 terris absentium, aut eorum, qui nusquam gentium sunt,
 sumpta nominibus, falsam fidem rebus non gestis affingat.*
 l. 2. C. Th. lib. iij. tit. ij. Quæ occasio fuit constitu-
 tionis promulgandæ De testibus, Nou. xc. vbi ta-
 men in editione Scrimgeriana idem insidet men-
 dum in voce *ἐκμαρτυρίαις*, quod paulò antè ex Har-
 menopulo abstergebamus: quanquam ibidem se-
 mel *ἐκμαρτυρία* rectè excuderit. Animaduertèdus
 est & alter apud Harmenopulum locus, qui men-
 do non vacat, lib. j. tit. iij. qui latino interpreti præ-
 stanti viro fucum fecit. ἡ αἰεπιφώνητος δωρεὰ ἔγνωσκεται
πίος. sic enim vertit: Donatio, quæ nullis est circun-
 scripta notis, nullius esse agnoscitur. In regio exē-
 plari, vnde multa ipse in meum & studiosorum v-
 sum trāstuli, pro *γνώσκεται*, incorruptè legitur *γίνεται*.
 nullius est, scilicet momēti. Ego verò eodē etiam
 loco suspicor, pro *αἰεπιφώνητος*, rectius legi *ἀνεμφαίντος*,
 id est, non insinuata: vt contrā *ἐμφανὲς δωρεὰ* Theo-
 philo. §. Aliæ. Instit. De donat. *ἐμφανίζῃ*, insinuare,
 & apertè profiteri, vt Nou. 73. *ἐμφανίζῃ τὰ συμβόλαια*.
 & Nou. lxxvj. & *ἐμφανιστῇ*, insinuatua, Nou. lvj.
 Photius Nomocanonis tit. ij. cap. j. Donationemq;
 vti oportet, in acta retulerit, *ἐμφανισίᾳ*. Porro inter

cætera, quæ ad donationum leges desiderantur, principale ius est, ut vitandæ fraudis gratia insinuetur. l. 25. Donatio. l. 27. Lata. l. 31. In donationibus. l. seq. C. De donat. quod variè tandem à Iustiano constitutum est, l. 34. Sancimus. & seqq. C. cod.

*Probatio ex Censuum monumentis: Censitores,
Finitores, & eorum officium.*

CAPVT II.

IN finalib. quæstionib. vetera monumēta: census auctoritas ante litem inchoatā ordinati sequenda est, l. antep. Fi. reg. ad eò ut arbiter finibus regundis datus, inde potius controuersia probationes & fidem, quàm à testibus, petere debeat. Nam & Marcellus ait, *Census & monumēta publica potiora testibus esse, Senatū censuisse, l. 10. Cēsus. D. De probat.* Neque verò id mirum. Erant enim, ut Iul. Frontinus De limitib. agrorum scribit, monumēta in itineribus constituta, quæ fidem publicam tenebāt. Omne enim, inquit, *monumentum dominorum nomina testatur, quæ ad iura possessionum pertinere noscuntur. Et ideo hæc legem dedimus rationemve declarauimus, ut ære contineantur.* Ut iam non sit obscura ratio, cur Senatus plus fidei censui, quàm testi adhiberi censuerit. Additur apud eundem Frontinum Tyberij Imp.

constitutio, velut iis quæ suprà diximus, quædam exceptio. *Nisi fortè, inquit, inter conuenientes ager diuisus pactione fuerit.* Quod & Papin. d. l. antep. paulo apertius significat, his verbis: *Modò si non varietate successorum, & arbitrio possessorum, sineis additis vel detractis agris postea permutatos probetur.* Quod ipsum duobus modis accidere potest, vel dominorū voluntate atque arbitrio, l. 24. Quod in rerum. fi. De legat. 1. l. 60. Locus. De verb. signif. vel successorum serie. l. 2. C. Fin. regund. Hinc Lacedæmoniorum & Messeniorum audita in Senatu Ro. legationes de iure templi Dianę Limenitidis: quod tuis à maioribus, suâque in terra dicatum, Lacedæmonij firmabant annaliâ memoria, vatûmque carminibus. Messenij, secundum quos pronuntiatum Tacitus lib. iiij. refert, Veterem inter Herculis posteros diuisionem Peloponeffi protulere: suôque regi Dentheliatem agrum, in quo id delubrum, cecidisse, monumentâque eius rei sculpta saxi & ære prisco manere. **CENSITORES** vocantur, qui censui ordinando præerant: qui releuabant eum qui in publicis tabulis, professo & delato agri modo, certis ex causis frui non poterat, l. 4. §. Illam. D. De censib. Flumina Censitorum vice funguntur, vt ex priuato in publicum addicât, & ex publico in priuatum. l. 30. Ergo. De acq. rer. dom. l. 1. De flumin.

Libro xj. Codicis tractatus est De censib. & censitorib. quorum officij id quoque erat, prædia cuiusque ob tributum reip. non solum, tanquam tributo pignori obligata distrahere. l. 5. si. De censib. D. l. pen. De rescin. vend. Prius tamen in publicum addicunt: quia reip. in eam causam prædia priuatorum non soluentium applicant: mox deinde ex publico in priuatum trāscribunt, vt eiusmodi venditio, iusto pretio solēniter facta, minimè conuelatur. l. 1. l. 2. C. Si propt. pub. pens. Nec placet vt de iis intelligatur, qui vectigales agros à fisco, vel rep. conduxerint: neque hoc ad Censitorum, sed Censorum potius officium pertinuisse existimo; qui in lustra, prædia, vectigalia, & vltro tributa mancipibus & redemptoribus locabant: nec huiusmodi prædia priuata, sed publica sunt: quorum conductores à re Publicani nominantur. l. 1. De publica, l. 16. Eum. De verb. signif. Censitores ergo priuatorum agros forma censuali descriptos regebant. Vnde per solutionem census & tributum, possessionem probari Symmachus auctor est, lib. j. ep. xxvij. non autem dominium, nisi & idoneus, putà venditionis, titulus proponatur. l. 25. Solennibus. C. De rei vind. FINITORES Nonio Marcello dicebantur, quos nunc Agrimensores dicimus: dicti, quòd fineis diuiderent. Plautus Pœnulo:

Eius nunc regiones, limites, confinia determinabo: eius rei ego sum factus finitor. Non longè abludit illud Silij Italici,

-Quis dicere legem

Fletibus, aut sineis audet censere dolendi?

De Ergolabis, & Redemptorib. operum, ad L. antepen. §. Mandati. D. Locati.

CAPVT III.

CVM obligationes semel initæ, non nisi mutuo vtriusque contrahentium consensu dissoluantur: ut quæ ab initio voluntatis, postea necessitatis esse incipiant, l. 5. C. De oblig. & act. l. 17. In comodato. §. Sicut. Commod. mira videri possit proposita hæc à Labeone species: *Mandaui tibi ut excuteres, quanti villam adificare velles: renuntiasti mihi, ducentorum impensam excutere. certa mercede opus tibi locaui: postea comperi non posse minoris trecentorum eam villam constare: data autem tibi erant centum, ex quibus cum partem impendisses, vetui te opus facere. dixi, si opus facere perseveraueris, ex locato tecum agere, ut pecunia reliquum mihi restituas. Ecce mandatum re non iam integra, præter vulgatas Iuris regulas reuocatum. Quid ita? An quia in diurnas operas architecti industria, non vno pretio per auersionem locabatur opus? Hæc enim inter se distant: plurimumque refert,*

refert, vtrum in singulos pedes, an in absolutum opus, non ἔργον, sed ἀποτέλεσμα, conuentio facta esse proponatur. l. 30. Qui insulam. §. Qui ædem. l. 36. Opus. Locat. l. 11. Fideicommissa. fi. De leg. 3. l. 80. Si is cui. De lege Falcid. l. 5. De verb. sig. An quòd artifex prius exactè exquirere impensas, earumq; rationem subducere, & examinare debuit (id enim excutere est, l. 42. Si mandauero. Mand.) quàm rem temerè aggredi: & opus inchoare, quàm dolosè minorem sumptuum modum renuntiando, ædificaturum in fraudem pellicere: Id verò videtur verius: vt propter dolum ac mendacium, in contractu etiam nominato pœnitentiæ locus sit: & quicquid pecuniarum apud architectum superest, repetatur: imò verò mādaturum de excutiendo sumptu ædificij perfectum est: nec (in d. §. Mādauī) reuocatur; sed alius nempè locationis contractus rescinditur ob dolum, aut certè architecti in sua arte & imperitiā & latam culpam: quæ in plerisque iuris articulis dolo comparatur. Miræ enim id genus hominum artes, incredibiles imposturæ. In quā sententiam M. Vitruuius Pollio disserit, proœmio lib. x. De architectura, veteremq; Ephesiorum legem commemorat, dura, inquit, conditione, sed iure non iniquo constitutam. *Nam architectus cū publicum opus curandum recipit, pollicetur quanto sumptu*

id futurum: tradita æstimatione, magistratui bona eius obligantur, donec opus sit perfectum. Eo autem absoluto, cum ad dictum impensa respondet, decretis & honoribus ornatur. Item si non amplius, quàm quarta in opere consumitur, ad æstimationem est adijcienda, & de publico præstatur, neq; ulla pœna tenetur. Cum verò amplius quàm quarta in opere consumitur, ex eius bonis ad perficiendum pecunia exigitur. Utinam Dii immortales fecissent, quòd ea lex etiam populo Romano non modò publicis, sed etiam priuatis ædificijs esset constituta: nanq; non sine pœna grassarentur imperiti, sed qui summa doctrinarum subtilitate essent prudentes, sine dubitatione profiterentur architecturam: neq; patres familiarum inducerentur ad infinitas sumptuum profusiones, & ut ex bonis eijcerentur: ipsiq; architecti pœnæ timore coacti, diligentius modum impensarum ratiocinantes explicarēt, uti patres familiarum ad id, quod præparauissent, seu paulo amplius adijcientes, ædificia expedirent. Nam qui quadringenta ad opus possunt parare, si adijciant centum, habendo spem perfectionis, delectationibus tenentur. Qui autem adiectione dimidia, aut ampliore sumptu onerantur, amissa spe, & impensa abjecta, fractis rebus & animis desistere coguntur. Hæc ille, quibus adstipulatur Hesiodium præceptum, quo admonemur, ne ædificaturi domum, inchoatam garulis inhabitandam & insidendam cornicibus relinquamus.

μηδὲ δόμον ποιεῖν ἀνεπιζέσσει καὶ ἀλείπειν,
μήτι ἐφεξομένη κρώζῃ λακερύζα κορώνῃ.

Vt non abs re Zenonis constitutione, ædificiorum artifices & Ergolabi prohibeantur inter se pacisci; vt ne quod alteri commissum sit opus, impleat, aut iniunctam alteri sollicitudinem alter intercipiat: permittiturq; vnicuiq; ab altero susceptum ac derelictum opus, per alterum absolueret; l. vn. C. De monop. Est enim ἐργολαβεῖν, generaliter rem quamlibet perficiendam suscipere; vt ædificium. d. l. vn. non solum, vt quidam tradiderunt, sceleris se sequestrem & architectum præbere. Cæterum in eiusmodi inescatores Ergolabos editas Græcè constitutiones perelegantes Harmenopulus lib. iii. tit. viii suppeditat. quibus aptandum quod Alexander rescripsit: Si quis opus, quod perfecit, adsignauit, deinde id fortuito casu aliquid passum sit: id periculum ad eum, qui fecit, non pertinere, l. i. De pollic. meritò. nec enim tuendum, sed ædificandum receperat.

Species leg. LXXVII. Signatorius. De verb. signif.

CAPVT IIII,

MANCIPIA, vt & iumenta, interdum ornata, interdum sine ornamentis, à mango-
B.ij.

nibus & vœnalitiariis vœnum exponebantur. Plautus Stichus, *Vœnalis sum, cum omnibus ornamentis.* Idem Curculione, *Emi virginem triginta minis, vestē, aurum, & decem pro his coaccedunt minæ.* Vlpianus cùm ait, ea quæ depositis rebus accedunt, non esse deposita; vt puta, inquit, si homo vestitus deponatur; vestis enim deposita non est, l. 1. Depos. Aedilium quoque edicto, ornamenta iumentorum ab ipsis corporibus separantur, l. 38. Aediles. §. Vendendi. De æd. ed. Inde adeò, cùm dubitaretur, an cùm dominus vnà cum seruo ornamenta quoque vendidisset, nec anulum signatorium nominatim excepisset, accederet & emptorem sequeretur; Paulus lib. iii. ad edictum Aedilium Curulium respondit, tacitè anulum signatorium exceptum videri, nec ornamentorum appellatione contineri, d. l. 74. cui subscripsit Vlpianus l. 25. Argumēto. §. Ornamenta. De aur. & arg. leg. Quod quanquam ex tractata ab eo quæstione ad muliebria ornamenta referri non inficiamur: tamen ad Aedilium edictum de seruorum venditorum ornamentis propriè respondisse Paulum, vel ipsa monet inscriptio. vt non tam vocis significatio hanc interpretationem admiserit, quàm utilitas venditoris: cuius maximè interest, ne signatorius serui anulus emptorem sequatur, né ve eo in suam fraudem abutatur: fortè

negotijs contrahendis repetita die obſignandis, & quaſi venditoris adhuc ſeruus eum æri alieno obliget. Nam etſi à iudijs, teſtamenti, teſtimonijs, cæteriſq; ciuilibus ac publicis negotiis, ſeruili cõditionis homines remoueantur, l. 32. Quod attinet. De reg. iur. & ſignare actus hominis liberi eſſe cenſetur. Quintil. declam. cccxl. *Signauit aliquid tanquam liber: ſi id voluntate domini fecerit, etiamſi maximè illum ſeruum eſſe dominus voluit, eo tempore manifeſtum erit, in libertate fuiſſe. ſic quiſquis aliquid pro libero facit.* Rurſus declam. cccxlij. *Qui volentibus dominis fecerint aliqua, tanquam liberi: ſignauit aliquid volente domino ſeruus? liberum eſſe vult. Inimicum (fortè iniquum) erit, tabulas auferri; & circũſcriptum eſſe nescio quem, cui ſignatæ ſunt tabulæ.* Etſi, inquam, ſerui in publicis ciuilibuſq; negotijs tranſigendis non ſignabant, vt Nouella Juſtiniani ac Leonis, illius xc. huius xlix. conſtitutione cauetur: tamen in priuatis domino- rum rationibus verſabàtur, peculium, fœnus exercebant; inſtitores officinæ, & negotiationi, menſæ, calendario præerant. l. 4. De edend. l. pen. Si cert. pet. l. ult. De inſtit. act. merces, vinum, lagenas, ciſtas ſignabant; & contractus ſuos, quorum ſunt iuregentium participes. d. l. 32. Quod attinet. Habebant autem anulos ferreos ſerui, vt ex Apuleij lib. x. teſtimonio eſt, quod libro primo cap. iij. antea

protulimus. Macrobius lib.vij.cap.xiiij.Plinius lib. xxxiiij. cap. j. Necnon & seruitia iam ferrum auro cingūt. Idem, eodem libro: *Vulgoq;*, inquit, sic triumphabant: & cū corona ex auro Etrusca sustinebatur à tergo, anulus tamen in digito ferreus erat, aqua fortuna triumphantis, & serui coronam susinentis. Crediderim non anuli signatorij pretium aut dignitatem, sed vsum, ac fraudis suspicionem huic disputationi causam præbuisse.

An resoluta ab vna parte emptione, ex altera quoq; resoluta intelligatur. Conciliata l. vlt. De acceptil. cum l. 56. Si conuenerit. De pact.

CAPVT V.

SI QUIDEM de eorū mēte, qui à cōtracta obligatione discedere volēt, cōstet, expedita res est: nihilq; adeò naturale, ac vnūquodque negotium mutua conuentione conciliatum, contraria tolli & rescindi voluntate. l. 58. Ab emptione. De pact. §. vlt. Quibus mod. toll. obl. Si verò dubitetur, quid animi resoluentes habuerint, si res non sit integra, non vtriusq; sed alterius tantū resolutio fiet. Veluti, *Si conuenerit, ne dominus à colono quid peteret; & iusta causa conuentionis fuerit: nihilominus colonus à domino petere potest, d. l. 56. vbi vna contractus parte su-*

blata altera manet : dominus non potest à colono petere: colonus à domino potest. Si res integra sit, emptio nuda conventionione dissolvitur, si nihil secutum fuerit. l. 2. l. 5. De resc. vend. *Cum emptor venditori, vel emptori venditor, acceptum faciat, voluntas utriusq; ostenditur id agentis, ut à negotio discatur: & perinde habetur, ac si convenisset inter eos, ut neuter ab altero quid peteret: sed ut evidētius appareat, acceptilatio in hac causa, non sua natura, sed potestate conventionis valet.* d. l. 5. id est, ut quidem interpretor, non ex vi, ac solumini acceptilationis formula; quæ non ad utrumque, sed alterum tantum liberandum concepta est: sed ex potestate conventionis, nimirum emptionis, quæ bonæ fidei iurisq; gentium præceptis & æquitate æstimata, vix patitur contrahentium alterum in obligatione hærentem, iniuria affici, altero liberato: à quo se quoq; contrà liberatum iri sperasse alterum credendum est. *Bona fides, inquit Labeo, non patitur, ut cum emptor alicuius legis beneficio, pecuniam rei vendita debere desisset, antequàm res ei tradatur, venditor tradere compellatur, & re sua carere.* &c. l. 50. Bona fid. De act. empt. Et cum idem Labeo generalius scripsisset, *Si ego tibi acceptum feci, nihilomais abs te liberatus sum*: adhibita distinctione notans Paulus ait, *Imò cum locatio, conductio, emptio, venditio conventionione facta est, & nondum res intercessit:*

utrinq; per acceptilationem, tamen si ab alterutra parte
 duntaxat interceſſit, liberantur obligatione. l. ult. De ac-
 cept. Hoc iure & in reſtitutionibus utimur, nō ſo-
 lū minorū, qui lubrico ætatis lapſu reſtitutionē
 à prætorē impetrarūt, l. 13. In cauſa. l. 24. Quod ſi
 minor. §. Reſtitutio. l. 41. Si iudex. De minor: ſed in
 vniuerſum, ne qui deceptum ſe queritur, in lucro
 damnōve maneat. l. vn. C. De reputat. Idemq; in
 iudicijs, in quib⁹ ſumma æquitas verſari debet, ob-
 ſeruandum eſt. l. ult. C. De fruct. & lit. exp. c. 2. De
 mut. pet. Sed hæc nobis ita tractātibus negotium
 facit paulò antè relata ex Iuliano ſpecies d. l. 56. Si
 conuenerit: in qua dominus à colono petere non
 poteſt, colonus à domino poteſt. Quod ſic à non-
 nullis accipitur, ut non habeat locum quod defini-
 mus; Si qua iuſta ex cauſa reſolutio, cōtractus in al-
 terum cōferatur, quæ in alterius perſonā non æquē
 cōcurreret. Veluti cū obtentu ſterilitatis, merces
 colono remittitur: ab eo nihil petere dominus poſ-
 ſit: ipſi cum domino, nihilominus, ut fruatur, agere
 liceat. Mihi Iulianus de alterutro contrahentium
 prorsus liberando agere non videtur: ſed ne quid
 certum, veluti merces: non autem ne quid omninō
 petatur à colono. Hac enim ratione vis tota ſub-
 ſtantiaq; obligationis eſſet æquē in vtriuſque con-
 trahentium perſonam ſublata atque preſumpta.

*L. xiiii. Papinianus. De Public. in rem act. cum l. i. in
 l. xxi. i. Funde. Item si amicus. De acq. poss. dis. 307
 fidium conciliatum.*

CAPVT VI.

Sciens prohibuit, vel denuntiavit, ex causa vendi-
 tionis, tradi rem; quæ ipsius voluntate à procuratore
 fuerat distracta; & is nihilominus tradiderit: emptorem
 tuebatur prator; siue possideat, siue petat rem. Sed quod iu-
 dicio empti procurator emptori præstiterit, contratio iudi-
 cio mandati consequetur. Hæc Papinianus. Potest enim,
 & c. Verba sunt Vlpiani Papinianum interpretan-
 tis. Ex quibus efficitur, si quid ex voluntate domini,
 rectè per procuratorem distractum sit, manda-
 tum minime reuocari: cum venditionem statim
 de rei necessitas comiteretur. l. i. l. ii. Ex empt. De act.
 empt. Qui quod antecedit, iubet, & id quod si co-
 hæret consequiturq; mandat. l. 56. Ad rem. l. 62. Ad
 legatum. De prob. Ut enim actum, quædam quis in ser-
 uitute egit, manumissus non cogitur reddere: si quid
 tamen conexum fuit, ut separari ratio eius, quod in
 seruitute gestum est, ab eo quod in libertate gessit,
 non possit: ex superioris temporis administratione
 veniet in iudiciū mandati, quod in seruitute gesta
 est, h. l. Item. De neg. gest. Ita ferendus non esset do-
 minus, qui rebus non integris, acceptoq; pretio,

mori et emptori tradere. huiusmodi voluntate deesse cla-
 ret. Nam quaecumque prioris negotij explicanda cau-
 sa geruntur; nihil refert, quo tempore consummē-
 tur, sed quo tempore inchoentur, l. 21. Nam. De
 neg. gest. Hic porro pretium ab emptore solutum
 indicant verba, *Sine pretio rem*; nec enim vindicaret,
 pretio nondum soluto. *Venditæ*. Daret. diuis. l.
 19. Quod vēdidi. De contr. empt. l. 3. §. pen. De trib.
 act. Neque his aduersatur d. l. 33. Fundi. cuius duo
 sunt capita; priore mandatum erat procuratori, vt
 in vacanti possessione fidei iudicij emptorem induce-
 ret; quod ad rem qua de agimus; nihil posteriore
 nullum intercessit mandatum: vt frustra de eius
 per mortem domini reuocatione, auq; executione
 discrepetur, et cum superiori quaestione quasi con-
 traria sententia comparatur. Pomponius. *Item si*
amicus venditoris, inquit, mortuo eo, priusquam id sciret,
aut non prohibentibus heredibus id fecerit; recte possidet
traditæ erit, sed si id fecerit, cum sciret dominum mortuum;
aut cum sciret heredes id facere nolle, contra erit. Nec mi-
 tutum; cum iuris hereditibus sciens prudens, citra
 ullum mandatum, quod ab eo inchoatum dici pos-
 sit, reus aliam rem tradiderit. Dissert igitur hac spe-
 cies a superiore thematice, quod qui tradebat procu-
 rator de potestate mandatum exequatur. At hic nec
 mandatum ullum est, nec procurator; sed *amicus*; id

est, negotiorum gestor: qui passim in iure à pro-
curatore distinguitur. l. ii. Generaliter. De acq. posses.
l. 5. Quod vi aut clam. Cùm amicitia addu. 3i, alie-
norum negotiorum curam administrationemq;
suscipere soleamus. l. 6. 6. Sed si ego. l. 36. Si liber. l.
38. Qui sine. l. 44. Is qui amicitia. De neg. gest.

Curiales qua conditione Clerici olim, vel Episcopi fierent.

CAPVT VII.

Qui conditionis curialis erant; ad Episcopa-
tum sine patrimonij iactura ac periculo pro-
moueri non poterant; ne dignitatis obtentu, reip.
munera & *munera* deferrent: ita vt si patre De-
curione nati, ad Clericatum adspirassēt, patrimo-
nio multarentur. l. 104. Curiales. Cod. Theod. lib.
xii. tit. 1. Curiales, qui ecclesiis malunt seruire, quàm
curijs, si volunt esse, quod simulant, contempnant illa
qua subtrahunt. Nec enim eos aliter, nisi contemptis
patrimonij liberamus: quippè animos diuina obseruatione
deuinctos, non decet patrimoniorum desiderijs occupari.
Hæc Theodos. ad quē Ambrosius ep. xxix. Episco-
pi, inquit, retrahuntur à munere sacro, & curia deputatur:
grauiter gemit. Nam cū iij, qui vobis militāt, certo mili-
tie tōpore seruentur (leg. ferientur) quanto magis etiam
eos conseruare debetis, qui Deo militant? Et ad Valenti-

nianum Imp. lib. v. epist. xxxii. contra Symmachii
 relationem: Si privilegium querat sacerdos, & omnis cu-
 riale declinet, patria atq; auita; & omnium facultatum
 possessione cedendum est. Quomodo hanc gentes si habe-
 rent, gr. laarent querelam: quod sacerdos ferias inquit
 sui emat, totius patrimonij sui damno; & priuatus & diuer-
 sa comoditatis dispendio, & sum publici meretur obsequij,
 pretendens communis salutis excubias, domesticæ inopie
 se mercede solatur: quia ministerium non ceditur, sed gra-
 tiam comparauit. Conferre causas: vos excusare pulis
 Idcirco enim, cum ecclesia non liceat excusare sacerdotem.
 Sed varie isthæc ab Imperatoribus constituta, tem-
 porumq; vicissitudine mutata sunt atque innoua-
 ta. Fuit aliquando, cum oborto collo ab ecclesia ad
 obeunda curiarum munera quasi injecta manu ab-
 ducebantur. Licuit aliquando ut vicaria opera reip.
 onera subiret Curiales clerici facti; datoq; substitu-
 to, per quem curiam administraret, patrimonium
 tuerentur. l. 163. eod. tit. Theodosius & Honorius
 mediam hanc sequuti viam, ne vel res rustica vel
 ecclesia deseratur, venterunt, ne ascriptiij coloni,
 veluti serui quilibet, in seuis dominis Clerici fieret:
 aut si forte ad clericatum obrepissent, concesser-
 unt, ut in officiis rusticis per substitutum possent
 domino satisfacere. l. 16. Quisquis censibus. C. De
 episc. & cler. Leonis Imp. constitutiones ix. x. xi.

omnibus legibus, quæ antè de seruis ad clericatū,
sacerdotium, episcopatum promouendis lata fue-
rant, non mediocriter derogarunt: Nouellæ Iusti.
v. & cxxiii. & Canon, apostolico lxxxii. quæ ser-
uum ignorante domino sacerdotem factum, serui-
tute liberabat *Curiales sacerdotio prouincia, sed & filios*
reddi precipimus propriæ ciuitati l. 475. Duou. iiii. cod.
ii. C. Th. Extat Iuliani Imp ad Byzantios epistola,
quæ significat se ijs reddere Decuriones & Pato-
colios, etiam Christianorum, quos Galileos vocat,
religionē transierint: si uero quid aliud egerint, ut cu-
riæ munera effugerēt: exceptis ijs qui metropolcos
oneribus inseruierēt. *πῶς βελευθεύει πάντας ὁ μὴ ἀποδοῦναι*
μὲν, καὶ τὰς παροκόλους, ἐπὶ τῇ Γαλιλαίᾳ ἐαυτοὺς ἐδοῦσαν θρησκείας,
ἐπὶ ὅποις ἄλλας, ὡς ἂν Γαλιλαίαν τοῦ Ἀλφράτου τὸ βελευτίον
ἔξω τ' ἐν τῇ μισοπόλει λελεῖσθαι γινώσκων. Et Iustinianus in
eligendo episcopo, iubet iurari, quod neque curia-
lis sit, neque taxoticæ conditionis. Quod si per
xv. annos in monasterio moratus, eligatur episco-
pus, liberetur à curiā: retineatq; quartam patrimo-
nij partem: reliquum sit curiæ & filci. *ἡ ποτὶς βελευτίη.*
Nouell. cxxiii. Iulian. ibidem. §. vi. De seruis ad-
scriptis & taxoticis & curialibus ad episcopatum
prohibentibus, curiæ reddantur. §. *μετὰ δὲ πλεῖν.* & §.
ἀλλὰ μὴ δέ. Hinc non parum lucis aliæ principum
de Decurionib. constitutiones mutuabuntur.

Conciliatā L. vii. Si hominem, §. Quaties. Depos. cum L. ix. Si veneri, §. In bonis. De priuileg. cred.

Argentarij & Numularij cur Pisticij & viri boni dicebantur.

CAPVT VIII.

S V M M A quæstio in eo versatur, An ij, qui apud nummularium pecuniam deposuerunt, praxiam habeant, vt cæteris anterioribus creditoribus præferantur: & eam in rem diuersa Vlpiani responsa proferuntur. Quoties, inquit, foro cedunt nummularij, solet primo loco ratio haberi depositariorum; hoc est eorum, qui depositas pecunias habuerint: quas non fœnore apud nummularios, vel cum nummularijs, vel per ipsos exercebant, & ante priuilegia. Igitur si bona uenerint, depositariorum ratio habetur: dummodò eorum qui vel postea à usuris acceperunt, ratio non habeatur, quasi renuntiauerint deposito. Idem; In bonis, inquit, mensularij vendendis, post priuilegia potiorum eorum causam esse placuit, qui pecunias apud mensam, fidem publicam sequuti, deposuerunt. Sedenim qui depositis nummis usuras à mensularijs acceperint, à cæteris creditoribus non separantur. Et meritò. Aliud enim est credere, aliud deponere. Si tamen nummi extet, vindicari eos posse puto à depositariis, & futurum cum qui vindicat ante priuilegia. Potior est igitur eorum ratio, qui publicam fidem secuti depo-

fuerunt. Ipsi §. Quoties, manifestum est, generi per
 speciem derogare, & Ulpianū id quod in tractatu
 Depositū latius dixerat, distinxisse, §. In bonis, sci-
 licet ut deponeris in vindicando praeferatur privi-
 legiariis, sed si deposui agat, post privilegia admit-
 tatur. Ratio differentiae posita in eo est, quod per-
 sonalis actio deposui à die initi contractus nata,
 exinde deum compescere in depositarium coepe-
 rit: ideoque posterior tempore obligatio, anteriorum
 creditorum privilegijs nientium iura non tollat.
 Seneca lib. iii. De benefic. Recurre etiam male cre-
 ditū ex actio est: & appellare debitorē ad diem possum,
 & si fore cessare, portionem feram. Vice versa rei-
 uendicatio potiorē iure est, quoties deponens rem
 suam extantem adhuc, repetit, quā ubi ubi est, do-
 mini manet: nec veteribus depositarij, cuius nun-
 quam ea res fuerit, creditoribus iure pignoris ob-
 nouia fiat. Meliore, inquam, conditione est rei uen-
 dicatio, quā à Paulo *Li. dominij l. 18. Eui etis. De usu,*
 à Graecis *ueteris dicitur* nominatur. In qua non de con-
 tractu, sed de dominia quaeritur: ut eius qui non si-
 bi debet, sed suam esse pecuniam depositam pro-
 bare, ratio potior habeatur. Idemque circa pecu-
 niam in dūdo datam, & mercium contributione in-
 receptum est. l. 14. Si filiusfam. l. 31. Si fundus, vers.
 Quod ad pecul. Si cert. pet. l. 3. §. Si plures. & §.

feqq. De trib. act. Eiusdem ingenij est & ea que-
 stio in ficta quadam à Quintiliano cōtrouersia, de
 re furtiua improfessa à publicanis deprehēsa. de cl.
 ccelxi Quod quis professus non est apud publica-
 nōs, pro commissō tenetur. Quidam rem furtiuam
 transtulit per publicanos, nec professus est: depre-
 hēsa res est: publicani cum domino contendunt:
 illi tanquā rem commissam vindicant; ille tan-
 quam suam: ergo obtinebit: cū alterius factum
 nemo, nisi affinis culpæ, præstare damno rei sue
 teneatur. l. ii. Cotem. §. Dominus. De publican.
 Neque si vel falsa moneta clām, aut quid aliud
 contra leges in eius ædibus fiat, idē fiscus locum
 vindicabit, Nouell. cxxxi. l. i. C. De fals. mon.
 Porro quod Vlpianus ait, *Eidem publicam securi de-*
posuerunt, eūpāmon est, ut in re non absimili. *ap. rlu-*
tiar. Isocrates *et tū Samētiar*: quoniam argentarij,
 nummularij, mensularij, seu *Samētiar*, non solum
 ut nunc notarij & tabelliones, singulorum ratio-
 nes cōficiēbant, stipulationes, pactaq; ciuium per-
 scribēbant, sed & pecuniam alienam suscipiēbant,
 vel mutuō sibi aliue datam, sub vsuris interdum,
 interdum sine vsuris depositam. l. 4. l. 9. Quædam.
 §. Nummularios. De eden. d. §. Quoties. d. §. In bo-
 nis. Crates apud nummularium quicquid pecu-
 niam ea lege deposuit, ut ea filijs, si essent in eadē di-
 redderetur:

redderetur: sin philosophi, vt viritim populo distribueretur. Diogenes Laërtius lib. vj. *ἡ ἀρετὴ πρὸς τὸ ἀγαθόν, οὐκ ἐστὶν ἐν τοῖς παισὶν ἰδιότατα* *σημαίνει, αὐτοῖς ἀποδοῦναι· εἰ δὲ φιλόσοφοι, τῷ δήμῳ διαιῦμαι.*
 Suetonius Neronis perfidiam notat, quòd argentarios pretio rerum coëmptarū fraudauerit. Idem scribit Galbam nummulario non ex fide versanti pecunias, manus amputasse, mensurq; eius affixisse. Etenim auctionibus, bonorumq; vëditionibus interesse, imò præesse solebant. l. 18. Item videndum. De her. pet. l. 88. Filia. De solut. Vnde Magistri à præcipua in eo negotio cura vocabātur. Cicero in Quintiana, lib. i. ad Attic. epist. r. & lib. v. Epist. Laodiceam. fi. *πιστοί, ἀπὸ πέντε, vt elegāter Harmenopulus interpretatur, lib. ii. tit. xi. & rursus lib. vi. tit. iii. quorum munus & antiquum in venditionibus rerum debitorum sine herede morietium morem describit. Theophil. lib. iii. Institut. tit. De success. sublat. quæ fieb. per bon. vend. Idem ob fidem viri boni antiquis nominati sunt. Cicero libro ix. ad Attic. epist. Legebam: *Prætores ius dicunt, Aediles ludos parant, boni viri vsuras perscribunt. & sub finem libri secundi Officior. De collocandā pecunia commodius à quibusdā optimis viris ad lanum medium sedentibus, quàm ab ullis philosophis vlla in schola disputatur. In Pisonem: Viri boni lapidibus à foro pellerentur. Sci-**

licet illic erant argentariorum officinæ, & fœneratorum conuentus celebres: quod innuit Plautus Curculione, *In foro infimo boni homines, atque dites ambulant.*

Aperta vel occulta rerum venditarum vitia: Animi vitia: Bonis conditionibus vendere: ex Theophilo.

CAPVT IX.

QVI improbo more versatus est, in celanda seruitute fundi quem vendebat, imposita; tenetur, si emptor ignorauit: sed non videtur esse celatus, qui scit, neque certiorari debuit, qui non ignorauit. l. 1. De act. empt. Ideoque si nominatim morbus exceptus non sit, talis tamen morbus sit, qui omnibus potuit apparere; vt puta si cæcus homo vænibat, aut qui cicatricem euidentē & periculosam habebat, vel in capite, vel in alia parte corporis; eius nomine petinde non tenetur, ac si nominatim morbus exceptus fuisset. Ad eos enim morbos vitiaque pertinere edictū Edilium; quæ quis ignorauit, vel ignorare debuit. l. 14. Quæritur, si De ad. ed. Hinc pilcaros seruos vænū solitos ire, quorum nomine venditor cur nihil præstaret, Cælius Sabinus Iurisperitus causam esse ait; quod eiusmodi conditionis mancipia, insignia esse in vendendo deberent: vt emptores errare & labi non

possent: neque lex vendendi operienda esset; sed oculis iam perciperent, quodnam esset mancipiorum genus. Auctor A. Gellius lib. vii. cap. xiii. Hinc Seneca epistol. lxxxv. *Contemnes illos, inquit, si dispoliaueris. Equum empturus solui iubes stratum: detrahis vestimenta uenalibus, ne quæ vitia corporis lateant: hominem inuolutum aestimas? Mangones, quicquid est quod displiceat, aliquo lenocinio abscondunt. Itaque e mentibus ornamenta ipsa suspecta sunt: siue crus alligatum, siue brachium aspiceres, nudari iuberis, et ipsum tibi corpus ostendi.* Quid de animi vitiis? Ea non faciunt, quominus quis sanus sit corpore: ideoque ob id mancipia non redhibentur: quoniam Ædiles de corporalibus vitiis loquuntur. l. i. fi. De æd. ed.

Quò pertinent eæ in iure Stoïcorum controuersæ, de quibus sic M. Cicero libr. iii. Offic. *In mancipio vendendo dicendane vitia, non ea, quæ nisi dixeris, redhibeatur mancipium iure ciuili? sed hæc, mendacem esse, aleatorem, furacem, ebriosum, alteri dicenda videntur, alteri non videntur.* id est, Licet iure ciuili, ea mancipiorum vitia, quæ animi potius, quàm corporis sunt, nõ præstatur à venditore: boni tamen viri officio cõuenit, ea emptori indicare ac patefacere. Quæ Ciceronis verba uti in omnibus exemplaribus, etiam regiis, scripta sunt, retuli: nec viro alioqui summo, optimèque de re literaria merito, *scilicet, pro sed, resti-*

tuenti assentior: quasi hæc, *mēdacem esse*, &c. exempla ponerentur vitiorum, ex quibus fieret iure ciuili redhibitio. Quinimò sic exaudiēda esse, vt sæpè aliàs, *non* (solum) *sed* (etiam) ex iure nostro conuincitur. *Aleatores*, inquit Vlpia. & *vinarios* nō contineri edicto quosdam respondisse Pomponius ait, *quemadmodum nec gulosos, nec impostores, aut mendaces, aut litigiosos*. l. 4. De æd. ed. Venuleius: *Animi potius, quàm corporis vitium est; veluti si ludos assidue velit spectare, aut tabulas pictas studiosè intueatur, siue etiam mendax sit, aut similibus vitiis teneatur*. l. ult. eod. tit. An lac magis lacti, aut ouum simile ouo est, atque ista inter sese exempla conueniunt? Quamobrem Papi-
 nianus redhibitorix actioni locum esse negat; si mancipium bonis cōditionibus emptum fugerit, quod antè non fugerat. l. 54. Action. eod. tit. Nimirum fugæ vitium atque consilium, in latebris ac recessu animi penitus abditum, nunquàm se aperuerat antea, idèò nec præstandum. Alludere videtur eò Plinius lib. j. epist. xx. *Credo decētes esse seruos, qui sunt empti mihi ex consilio tuo; superest ut frugi sint, quòd de uenabilibus melius auribus, quàm oculis indicatur*. Bonis porrò conditionibus mancipium vendere, quid sit, aliter alij ex re præsentī statuunt. In ea autem Antonini constitutione, quæ nimiam dominorum sauitiam repressit, cū serui iubentur bo-

nis conditionibus distrahi, l. j. fi. De quaest. l. j. De
 iis qui sunt sui vel al. iur. §. j. Instit. cod. Id verò
 Theophil. exponit, nō solūm, quod alibi cauetur,
 ne ad prædūm & inclementem herum reuertan-
 tur: sed etiam ne ea lege nouo domino vendantur,
 ac tradantur, vt in perpetuis vinculis hæreant: vt
 ne vnquam manumittantur, néve ea in loca ex-
 portentur, vbi tæter & grauis aër hominibus illic
 viuere non assuetis, mortis causam afferat: ὅτι τῷ
 δικαίῳ αὐτῶν ἐν χάρι βαρυτάτης ἀέρας ἐχέσθαι ἀήθεσι. Quod
 postremum animaduertendum esse censeo. Inue-
 niuntur enim non solūm fundi grauioris cæli, &
 pestilētes. l. pen. De reb. eor. l. 3. §. Idem Nerua. Ne
 quid in loc. pub. l. pen. C. De æd. act. Qualem Pup-
 piniam Attilius coluisse dicitur. Columella lib. ii.
 cap. iiii. Sed & regiones pleræque insalubres: cuius-
 modi Sidon. Apollinaris describit pestilētem Tuf-
 corum regionem spiritu aëris venenatis flatibus
 inebriare: & Zonaras in Theodosii iunioris impe-
 rio, tomo iii. Oasim sterilem, corruptis ventis ob-
 noxiam. Ὅασιν χάρι ἐστὶν ἡ ἀρεστίας λίαν, καὶ ὑπὸ αἰέ-
 των κατὰ πειρομένην φθοροποιῶν. Oasim in Arabia locat;
 quam BasilicOn scholiastes lib. lx. tit. lii. insulam
 medio Nilo cinctam in Ægypto extare, in eaque
 relegatos culicibus grandioribus muscis infestari
 atque interimi commemorat. Itaque, vt ad rem

redeam, ne serui in eiusmodi loca deportentur, meritò venditionis lege excipitur: ne vindictæ magis inhumaniores domini studuisse, quàm rei familiaris vtilitati consuluisse videantur. Et hominis interest beneficio hominem affici, non vexari. l. 7. Seruus. De seru. exp. l. 25. Statuliberos. De statulib. Philo Iudæus *φίλος τῶν ἰουδαίων*. Nam alioqui propter loci & aëris grauitatem ac tristitiam dicitur vita alicui esse pœna. c. Quorūdam. lxxiii. dist. Id est mors solatio, & vita supplicio. vt l. 5. Ad l. lul. mai.

*Serui dominorum testamento, vel contractu, vexati,
vincti, cruciati, torti: Impura laquei pœna.*

C A P V T X.

DVRI conditionibus ascribatur & ea lex, quæ quid in seruum grauius statuitur; vt cùm dominus ita scripsit, *Ne eum alienes, nè ve eum vendas: quia* (inquit Vlpianus) *coërcere voluit seruum, & cruciare, ne meliorem dominum experiretur.* l. 24. Generaliter. De fid. lib. vel cùm in perpetuam seruitutem varij seruus. l. 44. Seruum. §. Si idem. De leg. i. Ad eum morem allusum à Propertio est lib. iiii.

Lygdanus imprimis omnis mihi causa querela

Veneat; & pedibus vincula bina trahat.

Quod de ijs accipi nolim, qui ob noxam deli-

Stumve publicum cōpediti ad quaestionem dedi,
 vel sub verberum aut vinculorum pœna, dominis
 reddi ac restitui solent. l. 17. Quid sit. §. Si quis talis.
 De edil. ed. l. 10. In seruorum. l. 38. Si quis aliquid. §.
 Qui se. De pœn. l. 10. Seruus. C. eod. Paulus lib. v.
 tit. iij. & xvij. Sentent. Imò de iis nunc seruis agi-
 mus, quos mera domini indignati voluntas, con-
 uentione vel testamēto expressa, vinciri, torqueri,
 deportari, vexari, crucifigi iubet. l. 6. Si venditor. l.
 seq. De ser. export. l. 7. Si hominem. Dep. l. 67. Ser-
 uus. De leg. j. Columella lib. j. cap. viij. & lib. xj. ca. j.
 & antiquo L. Cuspidij testamento. DIONYSIVS qui
vinculus est, & Syrus fugitiuus, si perseuerauerint esse
improbi, ut sunt; eos vœnundare mando. Dauum quoque
ac Maurum mancipēs in perpetuum esse edico: quoniam
maledici & contumaces semper fuerunt; ut in pistrino pœ-
nas promeritas luant. Extat huiusmodi rescriptum
 Alexandri, in quo dominus in seruos iratus caue-
 rat, vt vnus quidem in perpetuis vinculis moraretur;
 alter verò exportandus vœnundaretur. l. 5. C.
 Famil. ercisc. Constantinus dominis in seruos, vin-
 cula, custodiam, virgas, & lora permittit, citra vl-
 lum criminis metum; at suspendere laqueo, vene-
 no necare, sulcare latera, & ignibus membra exu-
 rere prohibet. l. vn. De emend. seru. Quod vtique
 antea impunè licuisse Seneca testimonio esse po-

test, Declam. vlt. lib. iij. & testatoris elogium, CRVX
SCRIPTA SERVO. de quo Quintilianus eleganter
Declam. CCCLXXX. & quod adeò barbarum sui se-
culi morem hunc insectatur Iuuenalis satyr. vi.

Pone crucem seruo: meruit quo crimine seruus

Supplicium? quis testis adest? quis detulit? audi.

Nulla unquam de morte hominis cunctatio longa est.

O demens, ita seruus homo est! nil fecerit: esto.

Hoc volo, sicutubeo; sit pro ratione voluntas.

Auctor est Athenæus lib. iiii. Cùm quidam testa-
mento mulieres quas habebat forma præstantes,
pueros item ad pugnam & digladiationem legas-
set ac designasset; iniuriam hanc populum non tu-
lisse: testamentumque rescidisse; ἀνυποτίκω ἀφαιρέσειν
ἐπιμόνον. Vicina huic terè est & illa patronorū aduer-
sus ingratos liberos detestatio: *A Manio liberto de
me nihil merito. & Pessimus libertus.* l. 13. Diui. De adi.
leg. l. 37. Cùm quis. De leg. 3. Acerbius illud & gra-
uius in veteri lapide Rom. extra viam Flaminiam
reperitum est; in quo C. Vius pater ob desiderium
amissæ filiæ, libertum sic execratur: ATINETO LIB-
CVIVS DOLO FILIAM AMISI RESTEM ET CLA-
VOM VNDE SIBI COLLVM ALLIGET. In altero itē,
HIC STIGMATA ACTÆ LIBERTÆ SCRIPTA SVNT,
VENENARIÆ PERFIDÆ DOLOSÆ DVRI PECTORIS
CLAVOM ET RESTEM SPARTEAM VNDE SIBI COL-
LVM ALLIGET ET PICEM CANDENTEM PECTVS
MALVM COMMVRAT,

Exulce-

Exulcerati porrò animi virus indicant cùm illa, *restem sparteam, & collum sibi alligee*: tum strāgulatio à Constantino interdicta; d. l. vn̄c. nimirum quòd informis & impura mors laquei; sicut decollatio & gladij pœna, pura & honestior haberetur. Eustathius x. *Vlysses, χαθαρὸς μὲν ὁ ἀπὸ ξίφους ἐδόκει θάνατος, μαρὸς δὲ ὁ ἀγχομαῖος*. Philo de mundo; *θάνατος ἔσχατος τὸν δὲ ἀγχομαῖον ποιεῖν*. D. Ambrosius in lib. De Tobia, cap. xiiii. In Pontificalibus libris cauebatur, vt qui vitam laqueo finiissent, insepulti abiicerentur: quòd ea mors esset omnium maximè infamis, vt Seruius tradit in illud xii. *Æneid.*

Et nodum informis lethi trabe nectit ab alta.

Quædam prius scripta præposterè, restituta: Cur insepulta mortem sibi consciscientium cadauera abijcerentur.

CAPVT XI.

PROTRITA, iāmque omnibus ferè nota sunt ista, Omne, pro omen, omnia pro omina, iuris pro viris, ius pro vis: & contrā limes miles, limitis militis, limitare militare, recta certa, certè rectè, domus modus, velamentū leuamētum, cibariis vicariis, incidia indicia, & alia innumera: quæ inuersis paulūmq; immutatis litteris aut syllabis scripta, præposteram quoque sentētiā inuexerunt. Non absimile est in l. ii. Sed & si. Ad exhib. *Si non solebat*
E. j.

possessor seruum pascere: nam si solebat, sicuti pascit, ita &
 cibaria potest non recusare. Ita Florentiæ quidem est;
 alibi verò sic, non potest recusare. Offenderunt pleri-
 que ad peruulgatam l. 8. De fideiuss. lectionem hanc.
*Si fuerint in duriorē causam adhibiti, placuit eos nō om-
 ninō obligari: id est, ut Barthol. & Cōnanus, aliique*
 non pauci interpretati sunt, ne in leuiorem quidē
 causam. Florent. *omninō non obligari.* Inō verò in
 concurrentem quantitatem; & eam certē, in quam
 reus prototypus tenetur, obligātur: si qua fides est
 Iureconsultis adhibenda. l. 17. Vir. & Mulier. Ad
 Sen. Velleian. l. 33. Rogatus. Mand. l. 61. Siue. De iur.
 dot. l. 48. Si Titius. De fideiuss. Sed de hoc subtilius
 aliās. Apud Vlpianum fragm. Institutionum,
 tit. 2. *Statuliber seu alienetur ab herede, siue suscipiatur*
ab aliquo, libertatis cōditionem secum trahit. quod men-
 dosum esse, & perperam suscipiatur, commutatis in-
 uicem litteris pro *usucapiatur* scriptum, promptum
 est ex vno atque altero eiusdem auctoris, argumēti
 ac sententiæ loco iudicare; nempe l. 2. De statul.
Qui statuliberi causam adprehendit, inquit Vlp. in ea
cōditione est, ut siue tradatur, salua spe libertatis aliene-
tur, siue usucapiatur, cum sua causa usucapiatur. Et pōst:
Ceterum ante aditionem, siue tradetur, siue usucapietur,
siue manumittetur, spes statæ libertatis intercidit. Idem
 l. 6. eod. tit. *Non solum autem si uanierit, hac conditio*

ad eum trāsīt, qui emit; verum etiam ad omnes, quicunque quoque iure dominium in statulibero nacti sunt. Siue igitur legatus sit tibi ab herede statuliber, siue adiudicatus; siue usucaptus à te, siue traditus; &c. Idem vitiū præpōsteri in hæret. l. 28. Apud Iulian. De fil. lib. Si verò servum suscepit, is cui hereditas restituta fuerit, ipsum competit manumittere, &c. Suscepit, pro usuceperit. Dodum, antea in spectatæ fidei Pandectis manuscriptis videram reperit, mutila & ablata priorē vocabuli parte: idq; interpretabar, acquisierit: donec prioris discipulus posterior dies, ibi *αποθύσσει* esse fateri hortaretur. quod Græcorum interpretatio, & scholium manifestò prodit lib. XLVIII. Basilicon tit. IIII. Sed nec eiusdem notæ illud trāslatione omittendum est in l. 23. Cùm autem. De æd. edict. vbi malum servum creditum esse Vlpianus ait; qui aliquid facit, quò magis se rebus humanis extrahati. Vt potà laqueum tōr sit, siue medicamentum pro venenō bibit, præcipitēve ex alto miserit, aliudve quid fecerit, quo facto speravit mortem pertuenturam. Tanquam nonnihil in alium ausurus; qui hoc aduersus se ausus est. Illud nonnihil Florentiæ est: at in vulgariis codicibus nihil non, pro quiduis, multò rectius. Vt apud Senecam de homicida in sepulto, in eandem sententiā differētem, lib. VIII. De cl. III. Nescio cuius criminis, inquit, conscius consu-

git ad mortē. Cuius inter scelera etiam hoc est, quod dam-
nari non potest. Contra hos inuentum est, ut aliquid post
mortem timerent, qui nec mortem timent: nihil non ausu-
rus fuit, qui se potuit occidere. Si sine causa sibi manus
attulit, puniendus est: qui enim sibi non parcit,
multò minus alijs parcat, l. ult. De bon. eor. qui an-
te sentent. Quintil. decla. c. c x c i i. Nam qui mor-
tis accersitæ causas non reddidissent, insepulti ab-
ijciebantur: non solum, ut ex eiusdem declamat:
c. c x x v i i. colligitur, sed etiam ex concilio
Bracharnensi & Tiburcensi constat eos, qui sibi
mortem cōsciuerint, arceri sepultura solitos: quo-
rū sepultura canina dicitur, c. Ex parte. De sepult.
c. Placuit. 23. q. 5. c. Quicumque. 23. q. 8. Quam pœ-
nam Roman. Pontifices & ad equites, qui velitan-
do & ambitionis ergò decurrendo vulnerati in lu-
dicro certamine caderent, extenderunt. c. 1. De tor-
neam. c. Super. ex. De rapt. Nec immeritò. Sunt
enim humanæ conditionis honore indigni, qui
quid nati sint (opificium videlicet Dei) immemo-
res, sibi manus afferre non dubitant. Et cū cada-
uēra humi cōdita ad resurrectionem velut immor-
talitati oppignerata & desponsa deponūtur (quod
præter Persas nulla ynquam gens aspernata est. l.
pen. De cond. instit. l. 7. De iur. delib. Philo Iudæus
in Flaccum. Lactantius lib. 6. cap. 12. l. 43. Sunt per-

sonæ. De relig. & sumpt. fun.) frustra concessum
cunctis hominibus etiam hostibus beneficium ex-
pectent, qui sibi ipsi vim inferentes. dignitatem, ac
pudorem naturæ violarint. Carnificis loco, ut ait
Festus, habebantur is, qui se vulnerasset, ut moreretur.
αὐτοκτονεύς ὁ τὸ ἑαυτὸν διμυρῆς, ἐχθρὸς nominatur;
Apostolico canone xx. i. & xx. ii. & sine contro-
versia sceleratus & iniustus à Lact. Firmiano lib.
vii. cap. xx.

De fugientium reorum suspitione: examinataeque rationes
ad L. X. Ait prator. §. Si debitorem. De ijs
quæ in fraud. cred.

CAPVT. XII.

LONGE diuersa est fugientium reorum cōditio,
ac eorum qui nullius sibi criminis conticij cre-
ditoris occursum vitant. Fuga criminis eius qui de-
latus est, arguit, Nouell. 8. Fugere post accusatio-
nem institutam, aut contractum scelus, propè fa-
teri est, & se prodere. οὐκ ἔστιν ἑαυτὸν κατηγορεῖν. Nou. 53.
Apollon. Tyaneus apud Philestratum lib. vi. i. οὐκ
ἐστὶν μοι ἀλγεῖν ὅτι τὸ μὴ καταδικασθῆναι, & post, ἀλλ' ἐκ λήθης
τὸ δικαίωμα παρὰ τὸ ἀλγεῖν, τὸ μὴ οὐκ ἐπὶ τῷ δικαίῳ, id
est, qui autem iudicium fugeret, quonam tandem
pacto euitabit, quin se ipse damnasse videatur?
Demosthenes περὶ τῆς εὐχῆς, suspiciosam Æschinis fu-

gam infectatur. quod ibidem Vlpianus rhetor an-
 notauit. Quamobrem cum de bonis libertorum à
 patrōno vel sistō vindicandis agitur, & damnato-
 rum, & mortem sibi cōfiscantium, & fugientium
 eadem ratio, idem ius est. l. 28. Si in libert. De boni
 libert. At in pecuniariis causis negans debitor vi-
 non est terrendus: mūltiplēxq; in creditorem pro-
 pria auctoritate, *καταρτοῦ*, ius suum exequentem, &
 magistratus partes sibi vindicantem, pœna insti-
 tuta est: vt vi bonorum raptorum teneatur. l. 6. §.
 In iudicati. De re iudic. Iure crediti cadat. l. 13. Ex-
 tat. Quod met. caus. Tertia bonorum parte multetur,
 committatque. in l. 7. C. Vnde vi. l. 1. D. De vi
 priu. In eum iuretur in litem. l. antep. C. Vnde vi.
 Denique infamia notetur. Harmenopolus lib. 111.
 tit. v. *αὐτὸν ἀρὰς τὸν δαίνεσθαι*. Non impunè ergo de-
 bitor, etiam si caluitur, pedemve struit, inuitus ad
 iudicem abducetur, & infecta manu rapietur: licet
 aliter is persuasum esse scio, qui triviali interpre-
 tam opinione imbuti, de spurca commetatorum
 cloacā, quā iureconsultorum fontibus haurire
 maluerunt. A quibus imperitè huc accersitur l. 14.
 Quasitum. De pign. in qua nullam de iniicienda
 in fugientem debitorem manu verbum facit Vlpianus;
 sed hoc tantum tradit, licere debitorem
 ante diem ex causa conuenire, ac pignus medio

tempore persequi. Quod tum accidit, cum debitor-
 res suspecti consumptis & adelis bonis desinunt
 esse soluendo: tum decoctores & eueriores patri-
 monij maturius admonere, ab iisque pecuniam
 aut certè cautionem exigere, & periculū antever-
 tere creditores possunt. l. 41. In omnibus. De iudic.
 l. 24. Si cōstante. Solut. matr. l. 5. §. Si quis rinos. De
 nou. op. nunciat. Nec minus ridiculum est, quod
 toties decantatum d. 6. Si debitorem, tam insulse
 sententiæ arcem constituunt: perire ac si ibi de-
 bitorem frustratē ac fugientem persequutus cre-
 ditor inuaserit, reluctantem ad iudiciū rapuerit,
 ei que res, quas secū asportabat, per vim eripuerit;
 quoniam iniquius, nihil ab Ulpiani mente & ver-
 bis alienius. Nam quod ait, *abstulissē ab eo, quod*
mihi debetur, non eam, quam plerique adstruunt, si-
 gnificationem habet, inuolassē, eripuisse, ex-
 tortissē: sed citra vim meum essē consequutus.
 Id enim *Auferre*, latine sciētibz valet: ut rem ab
 intestato auferre. l. 12. Posthumus. De iniust. rapt.
 irr. & appellatione iniusta pronūtiata fundus a-
 blatus est. l. 37. Chirographis. De adm. tut. Cic. ad
 Attic. *Scapuo omnem pecuniam ex edicto meo auferendi*
potestas fuit. Idem, *Sed quid potuit queri is, qui auferre*
pecuniam, cum potuit, noluit? Pro Quintio, *Si quid mihi*
deberetur, peterem, atque iudicio iam pridem abstulissē.

Pro Roscio Comædo; *Itane verò cognitor si fuisset tu⁹, quod vicisset iudicio, ferres trum? suo nomine petit quod abstulit, sibi non exegit?* Inficiâtes verbi vltum nostri Iuris familiarem auctoribus, testimoniorum satietatē explere & obruere quid attinet? l. 13. Eum. l. 21. Titius. De iur. fisc. l. 48. Qui vas. De furt. l. 55. Si igitur. Pro soc. l. pen. Si fam. furt. feciss. dic. l. 21. Venditor. De her. vel act. v. d. l. 55. In laqueum. De acq. rer. dom. *Quid igitur, inquiet aliquis, quæ nã rãdem eius? Si debitorem, sententia est? Nempe cùm idem plurius debitor creditorum fugam adornans, multa de suis rebus secum asportaret, ab vno ex iis persequente conuentus est, cui præ cæteris solidum debitum exoluit. Quæsitum est, An ab eo pecunia in reliquorum creditorum fraudem ablata videatur? Distinguendum est. Si quidem prius quàm in possessionem bonorum debitoris cæteri creditores mitterentur, pecunia vni soluta sit, prodita in factum ex edicto fraudatorio actio cessat: cùm sibi creditor vigilarit, cõditionem suam meliorem fecerit, nulla fraus, nulla vis; id ei ius fuit. l. 6. Quod autem. §. Sciendum. l. pen. Quæ in fraud. cred. At verò si post missionem in possessionem, debitor in cæterorum creditorum necem, vni præcipuè gratificetur, ius aliis quæsitum frustratione arbitrio debitoris nec minuetur, nec tollitur, quomi-*

quominus Pauliana actione soluta pecunia reuocetur. d. §. Si debitorem. Secus, si adhuc integra res est: occupantis erit, ut in actione iudicati, & executione sententiæ, melior conditio: iura creditori, quod magis suum consequatur, vigilare permiserunt. l. 21. Summa, De pecul. l. 19. Inter. l. 61. In iudicati. De re iudic. At fugæ non levis suspicio. Esto sanè, maximè in delictis: in pecuniariis etiam iudiciis aliqua: sed negantes debitores ordinarij iuris remedijs vrgeantur, vis abesto, nec iniecta manu rapiantur, aut detineantur. l. 9. Negantes. C. De oblig. & act. l. ult. C. De execut. rei iud. l. Non est singularis. De reg. iur. l. 6. §. Qui iudicati. De re iudic. αἱ ἐπαινοί in quibusdam criminibus, ut homicidio, transfuga, fiebant. In priuatis ne liceret abducere apud se reos, sed ad thesmoethetas, Attica lege cauebatur: cuius Demosthenes contra Aristocratem, & Lycurgus contra Leocratem meminerunt.

*De nūmmissione per mensam: Et liberos sibi nomina
patrimonij assumpsisse.*

CAPVT XIII.

THEOPHILVS sub finem tit. v. lib. i. Instit. enarrans tres naturalis libertatis acquirendæ modos, per mensam, per epistolam, inter amicos: Per mensam, inquit, ὅτε σκεπταμένη οἱ ἐπὶ ἀφαιρέσειας δόσιν τοῦ

οὐκ ἐπὶ τῷ ὀνόματι. Tertullianus De resurrectione: Si famulum tuum, inquit, libertate mutaueris; quia eadem caro atque anima permanebunt: quæ flagellis & compedibus obnoxia retrò fuerant; circuncisione illa, vestis alba nitore, & anuli augei honore, & patroni nomine ac tribu mensaque honoratur. Nec enim leue beneficium habebatur, superioris mensæ conuiuam adhiberi; ut epulari cū Imperatore. Procopius lib. 2. De bello vindelico. sub finem. Suetonius in Flau. Vespasiano, cap. 2. Magnus honos alicui habitus, si ab Imperatore vocaretur ad cœnam: & de eo interdum Imperatori publicè gratia acta, quod se honore cœnæ esset dignatus. Hinc illud Æoli ad Iunonem, - Tu scepra Iouemque
- Concilias; tu das epulis accumbere diuinum.

Aristoteles lib. II. Rhetoric. τὸ ὅτι οὐκ ἐπὶ τῷ ὀνόματι τιμῶνται, honorificum esse ad cœnam vocari. ὅτι γὰρ τὸ μὴ κληθεῖναι, ὃ Ἀχίλλεὺς ἐμήνισεν τοῖς Ἀχαιοῖς ἐν Τροίᾳ. ὃ δ' ὡς Ἀχιλλεὺς ὁμόρως ἐμήνισεν. Achilles enim, quoniam Tenedi à Græcis non fuit vocatus, aduersus eosdem est exacerbatus. nam quasi dedecore affectus esset, commotus fuit. Verùm illius accumbendi ritus rariora de seruis ac libertis exempla sunt; præ copia frequentiaq; locupletissimorum auctorum, quorum testimonio veterem patronici nominis usurpandi rationem videmur posse confirmare. Extat enim apud Paulum species, in qua Iulius Zosa libertus

Iulij Quintilianij dicitur l. 126. Si ita stipulatus. §. Chrysogonus. De verb. ob. Altera item apud Scæuolam; in qua Octavius Terminalis libertus Octanij Fœlicis rem agere, patronique pecuniam exercere proponitur. l. ult. De instir. act. Cic. epistol. lib. xiiii. Seruilio collegæ Titum Ampium Menandrum Titi Ampij Balbi libertum cômendat. Apud Sueton. in Augusto, cap. xxvii. Iulius Philopœmen, nomen est liberti, qui patrono Tito Iunio manumissus est: sic dictus, postquàm liber est factus, cognomine seruili retento: ut & Lucinius in eiusdem Imp. vita, cap. lxvii. Nec verò prætereundum est epitaphium ancille matrimonij causa manumissæ, dominoque nuptæ; quod Romæ adhuc visitur,

Liberta & coniunx Petronia cara patrôno

Thallusa hoc tumulo condita luce caret.

Hanc sic assiduè deslet Petronius; ut jam

Deficiant oculos lumina cara suos.

Lactantius Firmianus lib. iiii. cap. iiii. De similitudine patris ac domini, potestatéque in seruos ac filios: Denique & filius, inquit, manumittitur tãquam seruus, & seruus liberatus patroni nomen accipit, tãquam filius. Vnde illa pendet bellè à Scæuola tractata quæstio l. 38. Pater. De leg. 3. Duobus, inquit, libertis Sticho & Erote heredibus institutis, ita canit, FVNDVM

CORNELIANVM DE NOMINE MEO EXIRE VETO.
*Vnus ex heredibus Stichus Arescufam liberam testa-
 mento esse iussit, eique partem suam fundi legauit. Quaro,
 an Eros & ceteri conliberti Stichi ex causa fideicommissi
 eius fundi partem ab herede Stichi petere possint? Respon-
 di non contineri. Rectè. Nec enim Cornelianus fun-
 dus de nomine testatoris cōtra ipsius voluntatem,
 in extraneum trāsīit: cūm liberti patronorum no-
 mina retineant. Ideoque testator alibi dicitur le-
 gasse libertis domum, & hæc verba adieciſſe, ut in
 ea habitent liberti, ne de domo exeant. l. 108. Libertis. De
 condit. & demonstr. Et in l. 88. Lucius. De leg. 2.
 testator ita cauit: Prædiolum meum dare vobis libertis li-
 bertabusque meis, & quos hoc testamento manumisi;
 & Scia alumna mea; ita ne de nomine familie meæ
 exeant, donec ad vnum proprietas perueniat. Non adeo
 dissimile exemplū lubet è lapidibus Rom. eruere.
 HOC MONVMENTVM COMPARAVIT ACIE HELPI-
 DI LIBERTÆ, IDEM CONIVGI CARISS. ET SIBI ET C.
 MARIO VICTORI ET LIBERTIS LIBERTAB. Q. EIVS
 POTERISQ. EOR. NE DE NOMINE MEO EXIAT.
 Quæ prohibitio, si liberti libertæq; diuersum à pa-
 trono haberent nomē; iocularis & inepta profectò
 videretur. Quinimò vt adoptantis nomen & ciui-
 tatem filij, sic manumissione liberti gentē patrono-
 rum, tribum, ciuitatēque consequuntur: vt non
 paucis Iuris locis ostēditur, quos fusius sequente cō-*

mētario exponemus, l. 7. Ciues. De incol. C. lib. x. l. 2. De municip. lib. x. C. l. 1. l. 6. fin. l. 7. l. 16. l. 17. Liber-
tus. §. Ex causa. l. 22. Filij. l. 27. Eius. D. Ad municip.

Exposita L. 1. De usufructu legato.

CAPVT XIII.

CVM omnes res aut in patrimonio nostro, aut extra patrimonium habeantur, §. 1. De rer. diuis. meritò quis addubitet, ecquid illud sit, quòd seruitutes neque ex bonis esse dicantur, neque extra bona. Principiò ré in bonis esse dicimus, cuius nomine, cùm possidemus, exceptionem; cùm amissimus, actionem habemus, l. 52. Rem in bon. De acq. rer. dom. l. 49. Bona. De verb. sig. Pro seruitutibus verò confessoria in rem, & negatoria actiones, exemplo rerum corporalium, iure civili prodictæ sunt, tot. tit. Si seruit. vind. §. Equè. De act. Instit. Deinde, pignori dari potest via, iter, actus, aqueductus: At pignus, non nisi rei, quæ sit in bonis debitoris, contrahitur, l. 12. Sed an via. l. 15. Et quæ. §. Quod dicitur. D. De pig. Rursus bona debitoris in fraudem creditorum alienata, & seruitutes quoque, actione Pauliana reuocantur; quod Prætoris edictum ad eos pertinet, qui patrimonium deminuerunt, l. 3. 4. 6. Quæ in fraud. cred. Præterea iura prædiorum in familia creiscunda iudicium

veniunt, quo defuncti patrisfamilias bona inter coheredes diuiduntur, l. 19. Arbor. fin. D. Comm. diuid. Postremò, cùm ea iura sua quisque vocet, l. 24. Ex meo. De seru. rust. præd. relinquitur in rebus ac bonis nostris seruitutes prædiorum esse numerandas, l. 1. fin. De rer. diuis. §. ult. De reb. corp. & incorp. d. §. Æquè. Quid igitur est, quod Paulus scribit, eas neque in bonis, neque extra bona esse? An quòd minus aliquanto sit, *rem ex bonis esse*, *ἐκ τῶν ἀγαθῶν*, quàm *in bonis*, *ἐκ τῶν ἀγαθῶν*, interprete Theophilo? §. ult. Vi bon. rapt? Quo sensu cuidam celeberrimi nominis, eloquentiæ & diligentiae non mediocris viro, Pauli verba accipienda videntur; mihi secus: Vel eò, quòd eiusmodi differentia, vt aliàs fortè attendatur, eo certè loco minimè obseruetur. Nam ei quod initio dixerat; *Senatusconsulto caueri; vt omnium quæ in bonis sunt, usus fructus legari possit*: mox subiicitur responsio, qua apertè illud discrimen cõfunditur, *Quia id neque ex bonis, neque extra bona sit*. Quæ profectò inepta esset ratio, si aliorum quàm ad obiectionem, cui tacitè occurrit, referretur. Sed commodius est, totum illud ex re subiecta æstimare, non vt generalem iuris definitionem accipere. Nec enim quisquā ex re sua seruitutem alij legare prohibetur: Id enim licere, vniuersus *De seruitute legata tractatus*, argumento esse

potest: & quod Iustinianus, §. ult. De servit. ait, Pa-
treinfamiliās-possē dammare heredem, ne aliū
tollat ædes suas, neve luminibus ædium vicini of-
ficiat; vel ut patiatur eum signū in parietem suum
immittere, stillicidiūve aduersus eum habere; vel
ut patiatur eum per fundum ire, agere, aquāve
ex eo ducere. Diuersa huiusce exempli ratio est: ni-
mirum, ne cui testator debita sibi ab alieno fundo
seruitutis, itineris, actus, viæ, aquæductus, vsusq; v-
sumfructūve, legat: quia scilicet seruitutis serui-
tus esse non possit: perinde ac si diceret, qualitatis
& non entis, nullam fingi posse qualitatem, vt nec
fundus fundi instrumentum esse potest, l. 12. Quæ-
suum. De fund. instr. Nec enim debitam natiua
tuo fundo seruitutem alteri, nisi consenseris, recte
cedam, l. 8. In concedendo. De aq. pluui. l. 33. Cum
essent. §. Per plurium. De seru. urb. præd. nec vllus
seruitutum vsus est, vllum per se cōmodum, quod
in fructu, nisi propter prædium vicinum, numere-
tur. Vnde in petitione hereditatis, seruitutum ra-
tio non habetur, l. 19. Non tantum. §. De pet. her.
Quare nec in bonis esse cō respectu censentur, vt
alteri cedantur, vt ab herede vsusfructus seruitutis
verē prædialis legatur. Prædiorum enim isthæc iu-
ra sunt, non personarum: quanuis iure quodam
personalis obligationis & præstationis deberi pos-

sint legatario, non prædiorum: quod ius cum ipso legatario extinguetur, nec sequetur fundum. Quod innuit Paulus, cum subiicit, *Sed incerti actione cum herede* (non cum vicino, cuius fundus seruitutem testatoris prædio debet) *ut legatario* (ecce persona, non fundus designatur) *quandiu vixerit* (hoc penè precarium est, & usufructui, id est, personali seruituti non dissimile, l. 1. De seruit.) *eundi, agendi, ducendi, facultatem præstet.* heres scilicet, non vicinus. Hoc est primum actionis, qua legatario cõsultitur, caput: sequitur alterum. *Aut ea seruitus* (quali seruitus, id est, precaria & fructuaria) *sub hac cautione, ut si decesserit legatarius, vel capite deminutus ex causa magna fuerit, restitatur.* Videtne precariam ac personalem concessionem improprie, ut alibi quoque non raro, seruitutem appellari: pen. De seru. rust. præd. l. 8. §. Tale. De liber. leg. l. pen. De seru. leg. l. 3. De prec. Ait, *Id enim, &c.* Non seruitus simpliciter, sed legatæ seruitutis ususfructus, non est in bonis, ex bonis, neque extra bona: quia scilicet non entis, nullæ sunt qualitates. Sine prædiis duobus, iisque vicinis, seruitus nulla verè constituitur. l. 1. D. Cõm. præd. §. Ideò. De seruit. Instit. Seruitus seruitutis constitui quidem non potest, l. pen. Si usufr. per. l. n. De usufr. leg. promitti tamen potest: ut ex meo aqueductu rectè tibi promitto aquam, d. l. 33. Cum essent. in fin. & legari, ut hîc.

Dare

Dare, Reddere, Causa falsa legato adiecta exemplum.

CAPVT. XV.

EST aliud est, rem reddere, aliud quasi de suo dare, l. 1. §. Eleganter. D. deposi. ἀποδοῖναι, καὶ δίδωναι ὡς ἐαυτῷ ὄντα, vt apud Demosthenē ἐν τῷ ἀπὸ τῆς ἀλονήσου: tamen id perpetuum non est. Cum enim vir vxori suæ dotem reddidisset, quadraginta ei legare voluisset; & quanquam sciret dotem redditam, hoc tamen prætextu vsus esset, quasi dotis reddēdx nomine, eam summam legaret, existimat Celsus deberi quadraginta l. 21. Quidā. 1. De leg. 2. Reddi quidem non potest vxori, quod ipsa iam à viro acceperit; at dari potest: nec falsa demonstratio perimit legatum. l. 10. Quintus. De aur. & arg. leg. Itaque qui vxori legauerat bonorum suorum decimam, & mancīpia, & species argenti, quas expresserat; eidem anulos & vestem reddi ab heredibus petit, quasi propria vxoris fuissent. Questum est, si vxoris non fuerint; an præstari ex causa legati deberent: Scæuola respondit, legandi animo dedisse ea videri, nisi contrarium ab herede approbetur. l. 18. Qui vxori. De aur. & arg. leg. Nimirum Reddendi verbum, quanquam significationem retor dandi habeat, recipit tamen & per se Dandi significationem. l. 93. Verbum reddendi. De verbo

signif. Ideoq; falsam causam legato non obesse verius est: quia ratio legandi, legato minimè cohaereat. l. 17. Demonstratio. §. Quod autem. l. 33. falsa. l. 72. Cum tale. §. Falsam. De condit & demòst. Nam alioqui si verbi proprietates attenditur, ut priuatio rem antè habitam arguit: ita non redditur, nisi quod ab alio datum sit & acceptum prius: sicut nec diuortium fingi potest, nisi coniunctio; nec manumissio, nisi seruitus praecesserit. l. 191. inter diuortium. De verb. sig. l. 4. de ijs qui sunt sui. l. 116. decem. De verb. oblig. Quamobrè qui id quod sui mancipij, non alieni iuris erat, cuiquam dat, accipientem *τοῦτος ἀντιδωρον* & retaliationem beneficij obstringit, pudore naturæ. l. 25. Sed & si. §. Consultuit. De pet. hæred. At verò is qui reddit, officio fungitur suo, se soluit ac liberat potius, quàm sibi quèquam obliget ad remunerandi vicem. Hinc de insula Halonèssio controuersia: quam Philippus prædonibus eiectionis receptam, Atheniensibus vindicantibus daturum se, non redditurum ostendit; eam Athenienses sibi ut suam reddi, non tanquam beneficio dari oportere cõtendunt. Præclarè igitur Demosthenes, vel ut Libanius censet, Hegesippus: *ἀλλὰ μὲν, εἰ δὲ ἔχουσιν γε λαμβάνει αὐτὸν ὅτι δι' ἀμφοτέρων τ' ὀνομάτων ἐπὶ τῷ πρῶτῳ ὁμῶς, ἔχει τὴν πλὴν ἥσιν, αὐτὸς λάβει, αὐτὸς ἀπὸ τῶν*

βητε. τῷ αὐτῷ ἀφ' ἑρέει, μὴ τῷ διακρίνομαί. ἡ ἡσάμωρ ἀποδοῦναι ὑμῖν, ἀλλὰ δωρεὰν δέδωκεναι τῷ ἀδελφῷ. οὐχ' ἵ' ἐνεργήσῃ καὶ χαλαροῖσθαι πρὸς ὑμᾶς: γέλοιον γὰρ αἱ εἰν τὸ τοῦ τοῦ ἐνεργήσῃ, ἀλλ' ἵ' ἐνδιδίχῃαι πᾶσι τοῖς Ἑλλησιν, οἳ Ἀθῆναιον τὰ ἐν τῇ θαλάττῃ χωρία ἀγαπῶσι ὡς τῷ Μακεδόνης λαμβάνοντες.

τῷ τοῦ ὑμῖν ἐποιεῖον δεῖν. *Quamobrem etsi interdū promiscuè dandi reddendique appellationibus abutimur. l. 25. Si mulier C. De iur. dot. l. 92. Lucius 6. Sempronix. l. 100. Heres. De leg. 3. Vt si damnerur heres reddere, quod testator debet, etsi nihil debeatur; ex causa fideicommissi legatum peti possit l. 2. C. De fals. caus. Si tamen cohærens legato causa falsa doceatur; legatum vitiabitur: Vt si testatorem (qui dotem ampliorem vxori, vel debitori quasi soluisset, liberationem legasset) liquidò probetur errore lapsus se & maiorem dotem accepisse, & pecuniam sibi à debitore solutam falso credidisse. l. 1. 3. 4. 5. C. cod. tit.*

De Præside prouinciæ liberis suis matrimonij

conditionem quærente, ἀναλοφαιρόμενον.

CAPVT XVI.

QVI in prouincia aliquod officium gerit, in ea filiam elocare, ei que dotem constituere potest l. 38. Qui officium si. de rit. nup. filio verò vxorem in prouincia ducenti consentire prohibe-

tur, l. 57. Qui in prouincia cod. tit. Cedo rationē
differentiæ; cum vtrovis casu rectoris potentia &
falces concutere prouinciales possint, metuq; ab
inuitis nuptiarum consensum extorquere? nec le-
uiorem nobili adolescenti prouinciali iniuriam,
inopem, deformem, parum frugi, & aliquid mō-
stri alentem puellam obtrudendo facere? tit. C. Si
rect. prouinc. & tit. Si quacunq. præd. pot. Nam
si mutuum dare prouincialibus præfides prohibē-
tur, l. 3. C. Si cert. per. l. 33. Principalib. l. seq. D.
cod. Si prædia emere, nisi fortē auita paternave à
fisco in prouincia distracta comparent. l. 32. Qui
officij. De contr. empt. l. 9. Milites. 1. de re mil. v-
trum filio, an filiæ conditionem in prouincia pater
querat, quid interest? An quod gener socerum
obseruare ac reuereri non sic soleat, vt nurus, quæ
futura sit ei obsequentior? hoc quidem Cyrillus
græcus interpres lib. xlix. Βασιλικῶν. tit. 2. De arris
sponsalitijs tradit. At quorsum id, ingenij tardita-
te non assequor. An quod filij columen sunt do-
mus. οὗλος γὰρ οἶκος παῖδες εἰσὶν ἀρραβες, inquit Menæder:
filie verò nominis gentilis memoriam obruant, &
familiæ finem faciant? l. 195. Pronuntiatio, si. De
verb. sig. ipsarum nuptiæ minori quàm marium,
curæ ac studio parenti sint, quarum nomine gene-
rum nolint ad nuptiatum conditiones inuitum

compellere? Sed nonnulli indulgentiore in filias
quàm filios animo patres inuenti sunt: in utrosque
certè insitus amor, & *σφοδρὴ φυσικὴ*, non leue momē-
tum habet. An quod puellæ citius biennio, quàm
mares adoleſcunt. §. 1. Quib. mod. tut. fin. l. 5. De
testam. & natura præcox earum maturare nuptias
suadeat; propter votorum festinationem, vt Ma-
crobius: causam à natura requirendam Plutarchus
Probl. monet? Quamobrem & olim religiosè mi-
nus in contrahendis filiæ nuptijs parentum consen-
sus exquirebatur. §. Vnde, De nupt. & nunc tutor
pupilli non prohibetur filiam suam collocare pu-
pillo suo in matrimonium; pupillæ verò filium su-
um virum dare prohibetur. l. 64. Libertum. fi. De
rit. nupt. l. 5. C. eod. vt ut sit, constat ex nouell. Leo-
nis. xxi. cum lex vetus hanc iuris prohibitionē
in filiis ac nepotibus, alijsq; virilis sexus cognatis &
propinquis statuisset, nusquam filiarum elocatio-
nem vetuisse. ὥσπερ ἀναγκαζέων παλαιὸς ἐθέτιζε νόμος,
τὸς ἐν ἐκείτῃ ἐπαρχίᾳ ἡγούμενοντας μὴ ἔχειν ἀδελφὰ συναλλάτ-
ματα, καὶ μηδεὶς ποιεῖν. καὶ τιτὸ ἀκρίβειαν ταῦτα ἐπὶ ἡμῶν καὶ ἐστίναι,
καὶ τῶν ἄλλων ὅριζα μὲν ὁ ἀρρῖνων συγγενῶν, θυγατέρων ἐκδοτῶν ἐκ
ἐκάλυψε. Quamuis autem hodie otiosa est huius in-
uestigatio differentię: haud absurdè tamen tenta-
ri posset, quod primus videor obseruasse: in extre-
mo D. l. 38. Qui officium non agi de magistratu,

tu, aut rectore prouinciæ, qui terrorem incutiat nuptiarum; sed de eo simpliciter, qui quid in prouincia administret; non ipsam prouinciã vniuersã, negotiationem fortè, vt collectarius. l. pen. C. Si cert. pet. vel legatione fungatur: cui nulli lictores, fascēs, comites, accensī, præcones nulli sint; nullum denique imperium. At verò d. l. 57. Qui in prouincia, expressa eius, qui in prouincia officium gerit, mentio est. Sed quia in re iam perspicua & aperta inane est coniecturarum auxilium, non inuitus agnosco antiqui iuris discrimen, quod nunc à Leone sublatū est. *περί τοῦ ὡς περ τοῦ υἱοῦς ἐν τοῖς ἄλλοις ἀρρενας συγγενῆς καὶ ἐκείνους οὐλοῦσι καὶ θυγάτριος καὶ τὰ ἄλλα τῷ θήλειος μέρους πρὸς τὰ πατρὸς ἐν ἐσχάτῃ ἐπαρχίᾳ. Ἀλλὰ χάριον ἄρχειν, εἰς μετρίαν δίδοναι καλῶς εἶναι*: id est, Statuimus, vt qui præsidatū sortiti sunt, quemadmodum filios, aliosq; virilis sexus cognatos & domesticos; ita quoq; filias aliasq; fœminini sexus personas in suis quique prouincijs, in matrimonium collocare prohibeantur, d. Nouel. xxiii. cuius. epitomen etiam sententiãq. refert Harmonopulus. lib. iiii. tit. ii. verum eam xv. numerat.

Interdum Sententiarum, Edictorum, Interdictorumq; formulas variasse

C A P V T X V I I.

NÆ vehementer errant, qui existimant, statas
 & solemneis veteribus formulas iisdem sem-
 per verbis ita conceptas fuisse, vt nequaquam va-
 riantur. tanta *τυπικὴν ῥημάτων* non fuit religio. Atque
 vt de sententijs priuū, deinde de edictis, de in-
 terdictis postremò exempla proferantur; moris
 esse ita pronuntiarī Vlpianus ait, l. 7. Releg. de in-
 terd. & rel. *ILLVM provincia illa, insulisq; eis relego,
 excedereq; debet, intra illum diem.* Paulus lib. III. de
 decretorum seu sententiarum Imper. in cognit. pro-
 latorum. l. 40. metod. De pœn. *METRODORVM.*
cum hostem fugientem sciens suscepit, in insulam depor-
tari: Philoctetem, quod occultari eum non ignorans diu
disimulauerit: in insulam relegari placet. Apud Theo-
 philum. § Cum autem. c. seq. Quib mod. ius patr.
 pot. sol. instit. formula deportationis in insulam,
 item relegationis, in metallum & ad bestias dam-
 nationis, extat huiusmodi, *Volo te deportari in insu-*
lam: Relego te in illam insulam. ΜΙΤΤΟ te in metallum.
Πέμπω σε εις μέταλλον. ἢ παραδίδωμι σε θηρίοις. Illud in ea-
 dem hypothefi D. Augustini in sermone de D. Cy-
 priano, speciosius aliquanto est. Cū enim Galie-
 nus, inquit, Maximus decretum ex libello reci-
 tasset *IN Thasium Cyprianum gladio animaduerti-*
placet. Quod ipsam Paulus diaconus in Cypria-

ni vita paulò secus refert: Sententia, inquit, ex tabella recitata est ita, CYPRIANVS gladio feriat. Viden' tu vti conueniant? Nam quid ego edicta Prætorum, quid interdicta, in quibus non minorem formularum varietatem licet intueri, commemorem? Ecce apud Vlpianum de edicto fraudatorio, quo quæ debitor in necem creditorum alienarit reuocantur, differentem, ait Prætor, *QVÆ fraudationis causa gesta erunt, cum eo qui fraudem non ignorauerit, de his curatori bonorum, vel ei cui ea de re actionem dare oportebit, intra annum, quo experiundi potestas fuerit, actionē dabo: idq; etiam aduersus ipsum, qui fraudem fecit, seruabo. l. 1. Quæ in fr. cred.* Idem aliam eiusdem edicti à Prætoris propositi formulam recenset in hæc verba, à superiore ita differentem, vti species ac forma suo genere, & ὑποθεσις τῆς ἡμῶν minor angustiorq; esse solet. Nisi malumus ex eiusdē edicti sententia, actionis formulam à prætoris conceptam dicere, l. 10. Ait. eod. tit. *QVÆ L. Titius fraudandi causa sciente te, in bonis quibus de agitur, fecit; ea illis, si eo nomine, quo de agitur, actio ei, ex edicto meo cōpetere, esse vè oportet: Et si non plusquàm annus est, cum de ea re, qua de agitur, experiundi potestas est, restituas, interdum causa cognita, et si scientia non sit, in factū actionē permittam* Idem quoq; accidit in interdictis, quorum eadem de re ratam perpetuāq; formulam

mulam non esse, vel vno interdicto vti possidetis
 appareat. quod apud Vlpianū ita concipitur. *Vti
 eas ades, quibus de agitur, nec vi, nec clām, nec precariō,
 alter ab altero possidetis, quominus ita possideatis, vim fi-
 eri veto. De cloacis hoc interdictum non dabo: neq; pluris,
 quā quanti ea res erit, intra annum, quo primū experi-
 undi potestas fuerit, agere permittam. l. 1. Vti possid. Ita
 verò ex Sext. Pompeio. V. N. P. E. F. Q. D. A. Q. N.
 V. N. C. N. P. A. A. A. P. I. P. A. E. V. F. V. Vti nunc
 possidetis eum fundū, quo de agitur, quod nec vi,
 nec clām, nec precariō alter ab altero possidetis, ita
 possideatis; aduersus ea vim fieri veto. l. 1. C. vti poss.
 Sanē quod ab Vlpiano refertur, multò est illo anti-
 quo vberius, facilē vt adnīaduertas, quāto plerūq;
 pleniora sint recentiora veteribus. Infelix profectò
 esset in foro & quotidianis iudiciorum argumentis
 ac periculis hominū labor; nisi liceret in dies meli-
 ora præteritis addiscere: aut nisi ijs quæ à maioribus
 inuenta primū præceptaq; sunt, vsu rerū monente
 præstantiora adijcere. Quid quòd non dubitat Vl-
 pianus verbis edicti prætoris (*Quod falso tutore au-
 ctore gestum esse dicetur*) multa deesse confiteri? l. 1.
 Quod fal. tut. Apud Vlpian. Prætor ait, *UTRUBI
 hic homo quo de agitur, maiore parte huiusce anni fuit,
 quominus is eum ducat, vim fieri veto. l. 1. Vtrubi. Per pau-
 cis hoc idem mutatis, Theophilus, tit. de interdict.**

VTRVBI *vestrum seruus ille quo de agitur, maiore parte huius anni fuerit, quominus is enim ducat, vim fieri veto.*
 παρ' ὁποτέρῳ ὑμῶν ὁ δέστω· ὁ δὲ κείνης παρὰ τῆς γένειας ἡ ἡγεμονία, ἐν τῷ μέιστον, μέλει τῶν τῶ ἐπικαλῶν, ὅπως οὗτος μὴ λάβῃ αὐτὸν βία καὶ ὁδοῦ καλῶς.

Ad princip. L. XLVIII. Qui vas: De furtis.

CAPVT XVIII.

SABINI verba sunt, *Qui vas perdiderat, eoq; nomine egerit, de pondere vasis controuersia cum esset; Et actor maius fuisse diceret: fur vas protulit. id is cuius erat, abstulit ei qui subripuerat. duplo nihilominus condemnatus est; hanc ille. cui notam addens Vlpianus, rectissimè iudicatum esse ait.* Nam in actionem pœnalem non venire ipsam rem, quæ subrepta est; siue manifesti furti, siue nec manifesti agatur. Atqui videri possit Vlpianus Sabini sententiâ non esse assecutus. Mirû enim videbatur, ei furem condemnari, qui iudiciû non expectasset, sed vltro rem furtiuam extorsisset. Imò rem longè se aliter habere cõperiemus, si singula paulò exactius ad normâ iuris expendantur. Nam quod ait, *Protulit*, ita accipiendum est; reum de furto vel confessum, vel conuictum, re in mediû adducta exhibitaq; iudiciû, de sola pœna eiusq; æstimatione causam dicere. Actorem verò absq; vlla vi vas à fure prolatum recepisse. Deinde quod subiicit,

in actionē pœnalē rem ipsam non venire, perinde est, ac si diceret; rei restitutione non euitari pœnæ condemnationem: necq; furem raptorēue pœnitentia absolui; quamuis quod abstulit, re integra, necdū mota de furto lite, domino sit paratus restituere. l. 65. Qui ea. h. tit. l. pen. Vi bon. rapt. Cōstituamus itaque necesse est, reum cōfessum; vtut sit, furtum factum esse constituisse, reliquiamq; de vasis argentei quantitate fuisse controuersia. vt eā æstimatā iudex pœnæ modū statueret. Neq; enim certa dupli vel quadrupli ratio poni & iniri potest; nisi prius de simplo, nimirum rei furto ablata dignitate ac pretio cōstituerit. Iam verò actor vas auferēs, non videtur pœnæ exactionem furi remisisse: sicut nec creditor debitori mutuū dans, actioni iudicati renuntiasse intelligitur. l. 4. §. Sed si ex cōuentione. De re iud. l. 28. Lucio. De oblig. & act. *Abstulerit.* ἀραδὲς ἡλῶν, receperit & admiserit, Basilicōn lib. lx. tit. xii. vbi non potest nō absurdē defendi, quod Scholiastæ tradunt; eum scz qui rem sibi subreptā per se auferat, non puniri vt furē; sed aliter puniri tamen. Nugæ, quasi verò hīc vlla actoris aut culpa sit, aut pœna. quem si à reo vas extorsisse fingimus, iam frustra querimus, an à dupli p̄secutione recesserit, cui ne rem quidē suam ἀραδὲς abstulisse licuerit. l. 55. Cum creditor. h. tit. l. 38. Quemadmodum. de

nox. act. Quod subodoratus hic quoq; sed diffidenter, attingit Accursius, ex l. 13. Exiat. Quod met. caus. l. 7. Si quis in tantam. C. unde vi, & num quæ sit veteris iuris per recentiores cōstitutiones abrogatio, dubitauit. Id adeò totū ex ambiguitate verbi ortum esse, rebus addicere necessarijs, si luberet in re non adeò dubia versari diutius: vel de aperta auferendi id est accipiendi significatione pluribus agere. cuius haud ita dudum memini nos exempla protulisse, quibus & hæc si lubet, licet adiungere. l. 66. Mœuius. §. Eum qui. l. 76. Cū filius. de leg. 2. l. 9. Sacrilegi. l. 12. Peculatus. Ad l. Iul. pecul. l. 10. Ait Prætor. §. Si debitorē. Quæ in fraud. credit. l. 1. in fi. de donat. l. 59. Chirographis. de admin. tut.

Cur creditores panis fiscalibus præferantur; pura bona, & purum patrimonium.

C A P V T X I X .

FISCVM his casibus, quibus hypothecas non habet, & cæteros priuilegiarios exemplū creditorū sequi oportere respondit Vlpianus. l. 10. Rescriptum. de pact. Sunt autem duo potissimum casus, in quibus fiscus priuilegium habet. Vnus in minoris ciuitatis fisco: qui similē fisco reip. Rom. *capito capax* non habet: cū priuarorū loco ciuitates & municipia habeantur. l. pen. De priu. cred. l. 10. Simile. Ad municip. & de incol. l. 2. de iur. reip. l.

l. 16. Eum qui . de verb. signifi. Alter, si fiscus
 publicata ex crimine reorum bona occupet: tum
 pœnæ vel multæ persecutio alijs creditoribus ante-
 rioribus cedit: qui in pecuniæ suæ exactione fisco
 præferuntur. l. vnic. C. lib. x. Pœn. fisc. l. 37.
 Quod placuit. D. De iur. fisc. Quod ut mori-
 bus nostris etiamnum obtinet, sic & olim A-
 thenis obseruatum fuisse, non solum Iul. Pollux
 lib. v i i i. auctor est, sed & Arpocraton in dict.
ἐν πίστημα, veterem commemorat legem: *Ὅ τοι εἰ
 δήμευθεις λυτὸς ἔσῃ, ἔξῃσι παροσκληθῆναι τῷ φάσκαρῳ δανειστῇ
 γεγονέναι, τότε τῷ ἀνδρὶ λέγου ὅτι εἰ ὀφείλεις αὐτῷ χρήσις ἐν τῇ
 ἑστίᾳ*: ut si quando bona alicuius publicarentur, li-
 ceret creditori apparere, ac dicere, huius viri bona
 ari alieno supposita, intendere sibi esse obligata.
 Ratio Iuris duplex in promptu est: Tum quod fis-
 cus lucrū caprat: creditores autem, qui suum per-
 sequuntur, de damno vitando solliciti sunt: & in-
 commoda fugientis, quàm commoda petitis me-
 lior esse conditio soleat. l. 33. In eo De reg. Iur. l. ult.
 C. De iur. del. Fab. lib. v i i. cap. v i i i. Tum etiam,
 quod bonorum publicatio sic accipienda sit, ut æs
 alienum deducatur. l. 72. Mulier De iur. dot. bona
 cuiusque intelligantur, quæ deducto ere alieno
 supersunt. l. 11. Non possunt. De iur. fisc. l. 69. Usu-
 fructu. Ad l. falc. Quare tantum abest, ut vniuer-

sa damnatorum bona fiscus posthabitis creditori-
bus auferat: vt marito publico iudicio damnato, si
pats aliqua bonorum eius publicetur, fiscus credi-
toribus eius satisfaccere necesse habeat: inter quos v-
xor quoque est. l. 31. Si marito Sol. matr. Quod sci-
té Quintilianus declam. c. c l. x x i i r. Bona porro quæ
sunt? vt opinor, ea quæ detractis alienis deprehensa (for-
tè, deprehensi, id est, rei) sunt. Finge alium creditorem
fuisse eius, quem tu deprehendisti: num dubium est, quin
quamuis id te bona pertinerent adulteri, recepturus tamē
suum creditor fuerit? Ponamus cum debitore, siue sponfore
rationem; vt opinor, detracto are alieno omni, detractis
oneribus bonorum, quod residuum ex patrimonio fuisset,
id tibi lex concederet. Quem igitur calculum cum alio po-
suisi, ponas necesse est tecum? Nam patrimoniū in alium
transituri ea ratio est, vt primū creditoribus satisfiat. Et
post, Bona mea, id est, quod liberum in patrimonio meo
est: Et quod propriè meum ad te transire debet, are prius so-
luto. Hæc ille. Quibus ea conueniunt; quæ in eandē
sententiam, licet in dissimili quadamtenus hypo-
thesi, à Iureconsultis responsa sunt l. ult. De usufr.
leg. d. l. 72. Mulier. l. 39. Subsignatum. § Bona. De
verb. signif. quæq; Lucius lib. x i i. tit. pen. Papo
lib. x x i i i. tit. x x v i. à Parisiensi senatu decreta
esse prodiderunt. P V R A bona, purum patrimo-
nium, puram substantiam, venustè Græci inter-

pretes *ἡθαγενέσιαι*, & *ἡθαγενέσιαι* videntur appellasse. Theophilus, inquam, tit. De leg. falcid. Harmenopolus. lib. v. tit. ix. lib. vi. tit. vi. Nouel. i. quę legata ter dicuntur pura, solida Iulianus interpretatus est: Procopius lib. 2. de bello Persico, antiquum refert prouerbium, Denique non pura mortalibus bona, sed malis permixta largiri: neque risum sine fletu nos habere, resque secundas semper calamitatem, tristitiam voluptates comitem sequi. Idem Lib. i. *ἡθαγενέσιαι* eodem genere dixit, quo ferè Salustius de coniuratione Catilin. *neque exercitus pop. Rom. letam aut incrementam victoriam adeptus erat. Nam strenuissimus quisque, aut occiderat in prælio, aut grauitervulneratus discesserat.*

Fugitiuam non videri. L. ult. D. De iur. delib:

CAPVT. XX.

NIMIÆ curæ ac religionis fuerit, in singulis cuiusque tractatus capitibus tantā *ὀμορφύας* rationem, quantam in vniuersi Iuris tractatione requirere. Enimuerò si architecti, quam in totius ædificij ordinandi symmetria legem, aptaq; operis dimensionem ad amussim custodiunt, eandem cunctis diætis, cænaculis, membrisque non adhibent: maximè vellem, ut qui fugitiuas indicant leges, & abs tituli, quo locandæ sunt, argumēto abhorren-

teis, in alienam possessionē inuasisse criminantur, quo id sibi iure sumant, etiam atq; etiam viderent. Quos ut antea temerē de sede l. ult. C. Commo. litigasse patefecit: itidem nunc in cap ult. De iur. deliber. præstare, & à culpa Tribonianum vindicare institui. Cùm de adeunda vel repudianda hereditate deliberatur, deminutio, alienatio, vsusq; rerū hereditariarum interdicatur: quas si interim heres attingat, pro herede gerit; & deliberationi præiudicium ita facit, ut non sit ei postea integrum hereditate, etiamsi maximè velit, abstinere: nisi adeatur prætor, ab eoq; deminutio causā cognitā impetretur. l. 5. 6. 7. De iure deliber. l. 5. De pet. hered. At hoc in extraneis heredibus seruatur, in filiis minimè: quorum in hoc genere fauor, multis rebus extraneorum conditione superior esse cernitur. Ut non abs re disquirat Iabolenus, quis statuatur esse filius, d. l. ult. In primis enim, quia in honorē sanguinis filius longiore spatio deliberat, nempe anno; quàm extraneus; cui centum duntaxat dies in eam rem præfiniti sunt. l. 1. §. Largius. De succ. ed. Deinde quamuis extraneus qui semel repudiauit, non amplius admittatur, quasi omnem sibi adeundę hereditatis spẽ præciderit. d. l. 1. l. ult. C. de iur. del. tamē filius paternę hereditati renuntians, vel tempore exclusus, rebus adhuc integris, deliberare potest cū nondum

nondū bona vānierint. l. 8. Si quis suus. h. tit. l. ult. C. de repud. vel abst. her. Postreimò in alimēta liberorum deminuere ex hereditate, sine præiudicio licet. l. antep. h. tit. Et si quis nō quasi heres, sed quasi patroni filius, egēs à liberto patroni ali velit: proculdubio hoc extra causam est immiscēdi se bonis paternis: & ita Labeonē rectē scripsisse Paulus ait, l. 73. Si quis non. De acq. hered. Pācipua enim est in alimentis liberorum causa, l. 1. De vent. in poss. mitt. Ac licet creditores rei seruandæ causa missi in possessionē, ex ijs rebus ali non debeant, l. 7. Fulcin. Quib. ex caus. in poss. eat. tamē cū de personis necessarijs agitur; qui legatorum seruandorum causa in bonis est, vescēdi causa deminuere potest: si filia neptis, prōneptis sit. l. pen. vt leg. vel fid. nom. in poss. Quod ius extraneo non competere, argumēto esse potest. d. l. 5. De pet. her. Quod si ita est, non temerē eorum sententiæ subscripserim, qui cōtendunt frustrā hīc disputari, quisnam censerī debeat filius: Labeonis opinione improbata, Trebatium sequitur Iabolenus. At in opportuniorē locū hoc trāsferri poterat: Esto; sed poterat & huius tractatus includi finibus. Et cū lex ita necessaria est, vt diuersis titulis propter rerū cognitionem applicari eam oporteret, Iustinianus inculcationis ac repetitionis veniam deprecatur. tit. De vet. iur. enucl. &

in præfatione Pãdect. præfixa, quæ incipit *Omnẽ*. sæpè vna lex in duas diuiditur. Vlp. in Demosthenis orationẽ contra Timocratẽ. vt l. 3. C. De edẽd. & l. vn. C. de litiscõtest. l. vnic. Ne quis in sua caus. iud. cum l. *Omnibus*. C. de testib. Quæ diuulsæ nũc sunt, olim in vnum corpus coniunctæ fuerant: vt ex inscriptionibus & subscriptionib⁹ cognosci potest, & Codice Theod. vt alias sexcentas omittam, quas ego aliquando indicaturus, istis Aristarchis qui suppositos versus se identidem prodere gloriantur, non satis notam fuisse Triboniani manum demonstrabo.

*Vulgaris mulier. damnatio ad Lupanar, & Metanæam.
Chrysegyrum: Lenonum doli & artes.*

CAPVT XXI.

NON dubium est, quin meretricem significet Vlpianus eam, quam vulgarem mulierem appellat. l. 13. Si vxor. Ad l. Iul. de adult. licet plebeiã & abiectioris cõditionis fœminã interpretetur alij. Sed & *μηδὲς* meretrix est, & græci *βασιλαῖς* interpretes lib. l. x. tit. xxxvii. à me sunt, & Impp. dum in hæc verba rescribunt: *Si ea quæ tibi stupro cognita est, & passim vanalem formam exhibuit, ac prostituerarum meretricio more vulgò se præbuit, adulterij crimen in ea cessat.* l. 22. Si ea C. Ad l. Iul. de adult. quod exclamat

seruulus apud Comicū Eunuch. *Quis homo pro
mæcho unquam vidit in domo meretricia deprehendi quē
quam?* Eodem sensu Mercalis dicitur. l. 5. C. De
cond. ob turp. caus. Ante Iustiniani constitutio-
nem, De lenonibus toto Imperio Romano exigen-
dis, Nou. xiiii. infamia quidem laborabant, sed
tolerabantur tamen lenocinia & lustra. l. 4. De ijs
qui not. infam. Tempore etiam Constantini, vt
grauis Lactantij querela arguit lib. vi. cap. xxi. i.
*Ac ne quis, inquit, esset, qui pœnarum metu abstineret
alieno; aduersarius ille noster lupanaria quoq; constituit,
& pudorem infeliciū mulierum publicauit, & paulò
mox, Nec tantum alienis thoris, quos attingere non licet,
verum etiam publicis vulgatisq; corporibus abstinendum.*
Obscœnam verò vitæ lasciuiam partim profite-
batur vltro fœminæ, partim inuitæ à dominis pa-
rentibusq; puellæ ad quæstum prostituebantur; &
peccandi necessitas imponebatur. l. Si lenones. C.
De ep. & cler. partim in flagitio deprehensæ, in for-
nicem detrusæ, publicè sui copiam facere coge-
batur: antequàm Theodosius eiusmodi pœnā, Chri-
stianis indignam & propudiosam sustulisset. lib.
ix. cap. xxiii. Tripart. hist. cuius tamē vestigia quæ-
dam reliqua apud auctores reperiuntur. Nam & ab
Hermogene *περὶ πόρνων* disceptatio de huiusmodi
lege fingitur, ΕΤΑΙΡΑ ΧΡΥΣΙΑ ΕΙ ΦΟΡΙΗ,

ΔΗΜΟΣΙΑ ΕΣΤΩ: si catenam auream gesser,
 publica esto. Deprehensa meretrix, an catena, pu-
 blica sit ambigitur. Apostolicæ historiæ lib. 111.
 Trophima à viro accusata apud procōsulis Lysbij
 vxorem, vt scortum damnata, atq; ad lupanar re-
 trusa: *Nec mora, inquit, ad lupanar, ac lenoni donatur.*
 Aliud exemplum in vita Patrum profert Palladius:
Sed castam & temperantem fæminam ponens in prostibu-
lo, iussit ei qui eos possidebat, dicens, HANC mihi cape, &
treis nummos ad me ex ea refer quotidie. Is autem aurum
exigens ex turpi actione, eam tradit volentibus in officina
abominandi flagitiij. D. Ambrosius sermone. xc. Insa-
nus, inquit, iudex iussit eam expoliari, & nudam ad lu-
panar duci, sub voce præconis dicentis, AGNEM SACRI
LEGAM VIRGINEM DIIS BLASPEMIAM INFE-
RENTES SCORTVM LUPANARIBVS DATVM
spoliata crine resolutis. &c. Nam & Symphronius præ-
fectus vrbi conditionem tulerat, vt eligeret vnum
è duobus: aut cum virginibus deæ vestq; sacrificar-
et, aut cum meretricibus scortaretur, in contuber-
nio lupanari. Idipsum Aurelius Prudentius *ἀεὶ πρὸς*
φάρων confirmat. ——— *at pudor.*

Carus dicata virginitatis est:

Hanc in lupanar tradere publicum

Certum est; ad aram ni caput applicet;

Ac de Minerva iam veniam roget;

Quam virgo pergit temnere virginem.

Omnis iuuentus irruat; & nouum

Ludibriorum mancipium petat.

& post,

— publicitus iubet

Flexu in platea sistere virginem.

Stammem refugimæsta frequentia,

Auerfa vultus: ne petulantius

Quisquam verendum conspiceret locum.

Quod sub profani labe periculi

Castum lupanar, nec violabile

Expertæ victrix virginitas foret.

— cunctipotens dedit

Castum vel ipsum reddere fornicem. &c.

Sed

de veterē & nefando publicandarum mulierum more, iam est hîc testimoniorum satis: longè sanctius atq; honestius Christianorum institutum, in hæc vsq; tempora seruatum, in monasterium, vel parthenonem, vel metanœam à Iustiniano eâ gratiâ exædificatam, à pœnitentiâ nomine apto rei ipsi indito. De qua Procopius sub finem lib. i. De ædificijs Iustin.

μοναστήριοι μεγαλοπρεπὲς κατεσκευάσθησαν ὑπὸ τοῦ βασιλέως καὶ τοῦ πατρὸς τοῦ θεοῦ. ἐν ταῖς μελαμεδύραις Γυναιξὶν ἐπὶ τῷ προσέφω βίῳ ἐσκήρυον. διὸ δὴ καὶ μετὰ ταῦτα τῶν Γυναικῶν τὸ ἀφαιρῆναι εἶον. ὁμοῦ μὲν τῷ ἔργῳ ἐπρωμάζουσιν vnde fortasse moniales, *Filles repenties dimanant.* Minus autem mirabitur, ad lustra damnatas olim mulieres; quisquis

prostitutionis sordibus auctum fuisse ararium me-
minerit : non modò Athenis, vbi meretricium ve-
ctigal redemptoribus quotannis à senatu locaba-
tur; vt ex Æschinis Timocratea colligitur: sed etiã
Romæ, antequàm eiusmodi esset occursum flagi-
tio. Primùm à Theodosio. l. vlt. C. De spectac. de-
inde ab Anastasio, qui Chysargyrum iustulit: id
enim ei vectigali nomen erat: vt zonaras tom. iiii.
Nicephorus lib. xvi. cap. iiii. Euagrius lib. iiii.
cap. xxi. Cedrinus pag. 294. & 298. tradunt.
Postremò Iustinianus Nou. xiiii. & li. *συν τέχνη
καὶ δόλῳ καὶ ἀνάγκῃ πῶς εἰς τοιαύτην ἀσελγίαν ἄγεσθαι πάντων
καλούμεν τῶν ποιῶν.* Ex verò Lenonum artes erant,
blanda oratio, vis & imposita peccandi necessitas.
d. l. vlt. Iusiurandum, ne scena exirent, adactum;
quo postea solutę sunt d. Nou. l. i. denique obiecta
fisco quæstus inde redeuntis species. Quamobrem
Theodosius Nouel. de Lenonib. à lectiss. viro P. Py-
thæo nuper euulgata, conqueritur, *lenonum calli-
ditate damnabili circumuentam veterum incuriam: vt
sub iustralis præstationis obtentu, corrumpendi pudoris li-
ceret exercere commercium.* Sudas in Longino Zeno-
nis Imp. fratre, *πορνοβόσκους* quos lepidè accipitres mu-
lierum voca, t sic describit *διότι γὰρ οἱ γυναικῶν ἑσχα-
τὰς περὶ αἰτίας ἐφελίσκῃ εἰς ἄγαν τῶν θηλειῶν, καὶ ἀνδρῶν
εἰ τῶν σεμνῶν πολλὰς τοῦτων πειθαγὰς κατῆλθαι &c.*

*Ex teli genere iudicari percussoris animum: L. i. D. ad
L. Cornel. De Sicar. & L. LXV III. Cum in
fundo, §. Si fundus. D. De iur. dot. ab Aristar-
chorum obelis vindicata.*

CAPVT. XXII.

QUAMVIS in animis hominum multæ sint
latrèbræ, multi recessus: tamen cùm quid
actum est in obscuro versatur; ex affectione cuius-
que capit interpretationem. l. 129. rapienda. De
reg. iur. Quemadmodum enim ex qualitate,
loco vulneris, ictuum numero, percussoris consiliũ
cognosci ac perspicere Angelus consil. l. xxx.
& Albericus ad l. i. C. ad l. Corn. De Sicar. tradide-
runt: Ita ex genere teli, quo vulnus inflictum est,
non levis coniectura colligitur. Theodorus Bàlsa:
Nomocan. tit. ix. cap. xxvi. Harmenopulus lib. vi.
tit. v. bene monet, qualitatem armorum spectan-
dam esse, si exortâ rixâ cædes facta esse dicatur. Nā
si maiorib⁹ fustibus, aut lapidibus aut calcibus quẽ-
piam interemptum esse, iudices compererint; per-
cussori manus abscindatur: sin leuioribus armis il-
latam mortem deprehenderint, hunc verberibus
affectum relegend. Quare friget eorum commen-
tum, qui defendunt, apud Martianum *clauā* pro
clau reponi oportere. d. l. i. §. Diuus. ad l. Cornel.
De Sicar. Disputat de ratione expiscandi consilij

delinquentium, & animo occidendi hominis; & ait D. Adrianum rescripsisse, *Eum, qui hominem occidit, si non occidendi animo hoc admisit; absolui posse: & qui hominem non occidit, sed vulneravit, ut occidat, pro homicida damnandum; & ex re constituendum hoc: nam si gladium strixerit, & eo percusserit, indubitatè occidendi animo id eum admisisse. Sed si clavi percussit, aut cucuma in rixa: quamvis ferro percusserit, tamen non occidendi animo; leniendum penam eius, qui in rixa casu magis, quàm voluntate homicidium admisit.* Scholiastæ Basilicôn lib. LX. tit. XXXIX. non modò *Clavis* vocem retinuerunt: sed diligenter & accuratè hanc quoque distinctionem annotarunt: eiusdemq; libri tit. LX. inculcarunt. Affectio enim ex instrumento eius, qui percussit apparet, & probatur, Theod. Balsamon in Sext. synodum in trullo can. 92. Hinc illa consequuntur: Si quis commilitonè vulnerarit, si quidem lapide; militia reijciatur: si gladio capital admittatur. l. 6. de re mil. Qui servum suum loris aut virgis ceciderit, verberaritue, morte secuta non teneatur: & si lapide vel gravi fuste percusserit, in legem Corneliam de Sicariis incidit. l. VII. C. De emend. prop. Iustinianus sub finem tit. XXX. legum rusticarum, hanc etiam distinctionem in villico, qui bouem occiderit, adhibet: ut si ligno, quod manu gestabat percutiens, occiderit,

occiderit, vel occæcarit, damnū faciat: sin lapide,
quem fortè obuium sustulerit, extra noxam sit. vt
illo quidem casu, nocendi conatum, ex teli specie
coniiciamus, hoc verò coërcendi vel agēdi bonis
voluntatem interpretemur. Εἰς ἀγγέλους μὲν τοῦ
ἐν χερσὶν, αὐτῶ ξύλου, ἀπολύσι καὶ κλάσι θεοῦ ἡ ἐκτιφλάσι,
οὐκ ὄσιν, ἀθῶσι ἀλλὰ ζημιώητω ἡ δὲ μετὰ λίθου χρούσι
ἀζημιος ἔστω. Atque hæc quidem hæcenus, quibus
iudicis de cæde religio cognituri instruantur. Nos
iā aliò Tryphoninus vocat, vtq̃ue infœlicē è fundo
dotali herbam βοτανίζοντες euellamus, obrestatur.

Si fundus communis, inquit, *in dotem datus erit, & socius*
egerit cum marito communi diuidundo, adiudicatusq̃ue
fundus socio fuerit: Aut si omiſſa licitatione extraneo ad-
dictus is fuerit fundus, pretij portio, quæ distracta est. Sed
ita vt non vice corporis habeatur, nec diuortio secuto, præ-
senti die, quod in numero est restituatur: sed statuto tēpore
solui debeat. d. l. 78. cum in fundo. Sic in omnibus
exemplaribus, quidem adhuc inspicere licuit, scri-
ptum est: à quibus qui dissentiret, præter, Budæum
inuentus est nemo. Is vocularum fortè aucupio,
quàm rerū momentis intentior, pro *in numero* legit
in numerato, id est in pròptu & ad manum: At ego
istiusmodi mutationem aio saluâ Iuris sententiâ,
defendì nullo modo posse, Vlpianus in fragm. iit.
vi. De dotibus. *Dos*, inquit, *si pondere, numero, mensura*

cōtineatur; annuâ, bimâ, trimâ die restituetur: nisi si ut præsens reddatur, conuenerit. Reliquæ dotes statim redduntur. Cum igitur aliud fundi, aliud rerum in suo genere functionem recipiētium restitutioni tēpus statutū esset: & verò fundus necessariò auctionis adiudicatione dotalis esse desierit: ita ut eius pretium non vice corporis, sed in numero, id est in quantitate habeatur: sequitur, vbi soluto matrimonio dos repetatur; non statim ut corpus, sed statuto tempore, hoc est annuâ, bimâ, trimâ die restitui oportuisse. Quamuis iuri veteri hodie derogatum sit l. vn. De re. vx. act. Porro in confesso est rei venditę pretium ab ipsius rei conditione degenerare. Nec enim hīc pecuniâ ex fundo dotali redacta, censetur fundus; *il est amēubly*: nec nummus, qui ex re furtiua redigitur, furtiuus est: l. 49. qui vas fī. De furt. nec rei unde originem ducit, naturam sequitur. l. 35. quemadmodum. De nox act. l. 5. §. planē De trib. act. l. 16. quidam. De in rem vers. ut ne ex lotio quidem collectus, olim Vespasiano principi malē oluerit: si Suetonio credimus.

Locorum qui speciem disidij præse ferunt, conciliatio.

CAPVT. XXIIII.

DIOTIMVM Olymp. de Ænigmatibus scriptisse, eosque qui non dissoluerent, castigati-

onem subijsse Athenæus lib. x. cōmemor. Nec verò ego recuso, quo minus reprehendar ab æmulis, qui nostras in diluendis Iureconsultorum gryphis rationes improbabūt. Qui si se nobis æquiores præbuerint, alienis erratis ignoscēdo, facilius suis veniam impetrabunt. Agedum principiò de rei communis oppigneratione dispiciamus: Et rescribit Antoninus, fratrem inuito fratre, portionem fratri cōpetentem oppignerare non posse; suam portionem dando obligationem creditori quæsijsse: at eius contractu præiudiciũ alieno dominio nō fieri l. vn. C. si comm. res pign. dat. Imò Caius illud tenendum esse ait, *Si quis communis rei partem pro indiuiso dederit hypothecæ, diuisione facta cum socio, non utique eam partem (solum s.) creditori obligatam esse, quæ ei obligat, qui pignori dedit: sed (etiam s.) utriusque partem pro indiuiso, pro dimidia parte manere obligatam. l. 7. si consensit §. ult. quib. mod. pig. vel hyp. sol.* Quid? si admittimus, ut non suam modò, sed socii quoque partem debitor obliget; an non ex alteriũs contractu fiet alteri præiudicium? Nequaquam, & ista, si paulò attentius expēdantur, minimè dissident. Ut enim non rectè inuito, vel inscio domino pignus aliena in re cōtrahitur: ita suam quisq; indiuisam partem obligando, quo iure, quaque conditione est, creditori obnoxiam facit. d. §. ult. neque

nitę quę videtur, orationi modus ex persona, vel re
qua de agitur statuatur. l. 30. quidam. De leg. 2. l.
12. Stichus De leg. 3. l. 14. Si cui. De ann. leg. l. 27.
In testamenti fi. De cond. & dem. Quod si tanta rei
promissę, relicteque obscuritas & incertitudo nullũ
prorsus exitum inueniret; tunc & inutilis esset eius-
modi stipulatio, & derisorium legatum. l. 94. Tri-
ticum De verb. ob. l. 7. Si domus. De leg. 1. Nec
ad rem pertinet rescriptum Alexandri l. 1. C. De dot.
promiss. quod Gręcos iuxtã ac latinos interpretes
ita diuexauit & exercuit; vt alij multa de duplici fi-
ctione, duorũque singularium concursu fabulosa
effutierit: alij inducťa ἀπὸ μνηστῆρος distinctione, patrẽ
ab extraneo dotem promittente seiunxerint. Au-
ctore primũ Taleleũ lib. xlviii. tit. xv. Basili-
cũ, deinde Harmenop. lib. iiii. tit. ix. περὶ ματρίας.
Quorum cõmentum, si vt video ab eruditis etiam
probat; quidni liceat nobis quoque audere ali-
quid, ac in Alexandri constitutione, vllam omni-
nõ a quoquam dotem Claudio fuisse promissam
pernegare: non secus tamen ac si promissã fuisset,
dotali ascriptam instrumento? Ei rei argumento
est vers. *quasi promissa*; Quo sermone falsa ac teme-
rẽ arrepta opinio significari solet l. 4. C. de her.
inst. l. 15. quidam. de prob. l. 2. §. voluntatem vers.
Iulianus l. 11. si alienam sol. matr. l. 23. si eum si

cert. pet. l. 10. nec ignorans C. De donat. §. sed iste.
 De action. c. quæsi. extr. De verb. sig. Ac licet regulariter instrumenti fidem ferè sequamur: l. 30. sciendum. de verb. ob. Sæpe tamen tabellionum multa de suo adscribentium & affingentium vitio, negligentia, vel astutia, hæc iuris definitio offenditur. l. 92. si librarius. De reg. Iur. vt interdum plus nuncupatum, minùs scriptum, vel cōtrà plus scriptum, minùs cautum esse videatur. l. 4. C. De dot. promiss. l. 15. De Iur. dot. l. 6. cum sit C. De mag. cōuen. l. 1. §. 1. & §. vlt. Fam. erc. l. 102. Cum auus. De cond. & dem. Et si pro scriptura præsumatur, permissum est, id quod gestū sit, inuestigare, vt veritati locus supersit. l. optimam C. De contr. & com. stip. l. 1. C. plus valer. quod. ag. Ex quibus indotatam vxorem Claudio nupsisse relinquitur: d. l. 1. quod nec nouum neque insolens videri debet. l. 8. si cum dos. Rer. amor. l. 28. quod si nulla. De relig. & sump. fun. Nouel. 2. fi. 74. & 117.]

An furi actio furti detur: De Prodigii, Pupilli, ac Furiosi fideiussore: De vulgari prorogandorum legatorum clausulâ transacta dissidia.

CAPVT XXV.

PERGAMVS porrò scopulos ad quos plerūque incauti offendimus, indicare: & an fur furti

agere possit, disputemus. Inter omnes constat, non dominum solum sed & eum, cuius interest, furti agere; si modò ex honesta causa inter sit. l. 10. cuius & ll. seqq. De furt. proinde si quis alteri furtum fecerit, & id quod abstulit, alius ab eo surripuit: cū posteriore fure dominus eius rei agere potest; fur prior non potest: licet eius inter sit rem saluam esse, quia cōdictione tenetur. l. 76. q. rem. eo. tit. *Quia in omnium furum persona cōstitutum est.* Iulianus inquit apud Vlpian. *ne eius rei nomine furti agere possint, cuius ipsi fures sunt, non habebit actionem is, apud quem res deposita est: quamvis periculo eius esse res cœperit, qui eam contrectauit.* l. 14. Eum eod. tit. atqui idem Vlpianº cum ad Sabinum notas adijcit, contrariam tuetur sententiam. l. 48 Qui vas. eo tit. Sabinus, *Si ego tibi poliendum vestimentum locauero, tu verò inscio aut inuito me cōmodaueris Titio, & Titio furtum factum sit, & tibi cōpetit furti actio.* Vlpianus rationem subiungit, quia custodia rei ad te pertinet. Sabinus. *Et mihi aduersus te. Vlp. quia non debueras rem commodare: & id faciendo furtum admiseris. ita erit casus, quo fur furti agere possit. Quod dicemus? Nempe illic genus, hīc speciem: quodque regulariter in omniū furum persona definitum est; id singulari ratione in fullone rem cōmodante receptū non esse: idque scholiastes Basilicōn lib. l. x. tit. xii. tradit meritò: nec enim ille ex*

pessimo furum genere est, qui lucrum non sectatus
 commodauit, id est rem gratis vtendam dedit: in
 quo etsi culpa nō vacet, eoque nomine furti tenea-
 tur: Tamen ne collatum in amicum beneficium
 sit fulloni fraudi: æquum est, actionem rei ab in-
 grato fure recuperandæ gratia indulgere: vt ille sit
 casus quo fur furti agat: licet generaliter ius sit ali-
 ter constitutum. *Q*UO TIENS pupillus, furio-
 sus vel prodigus promittentes conditionem suam
 deteriorem faciunt, quia ne tum quidem naturali-
 ter obligantur: nec fideiussores quoq; pro ijs acce-
 dētes tenebuntur. l. 59. pupillus De ob. & act. l. 41.
 quod pupillus. De cond. ind. l. 6. De verb. ob. Sed
 occurrit perdifficilis locus, in quo ne ipse sibi aduer-
 sari videretur Vlpianus ab eruditis nōnullam ope-
 ram nauatam scio. narrationē vnus historicam &
 fabulis annumerandam ait: alter ex *non* quasi ex
 notis *io.* conflauit *ideo.* Tertius, voces *ei* & *his* lo-
 cum mutasse arbitratur. l. 25. Marcellus. De fidei-
 uss. acutē quidem illi, sed præter omnium exem-
 plarium fidem cōiiciunt. Nos tentemus aliquid:
 Si pro prodigo, furioso, & pupillo obligatis (pos-
 sunt enim ex re teneri. l. furiosus de ob. & act. l. 70. si
 à reo §. si à furioso. De fideiuss.) fideiussor accipiatur,
 quid obstat quò minùs ipse obligetur? Si sciens
Qui sciens prudens, se pro minore obligauit, si id consuleo
consilio

*consilio fecit, licet minori succurratur, ipsi tamen non succurritur: Paul: lib. i. sent. tit. ix. consulto consilio, id est, cum esset conscius conditionis eius, pro quo intercedebat. Sic Ammian. Marcel. lib. xiiii. inter quotidiana pro ludia exercitus consulto consilio cognitos. Theophilus cōtrā, De societ. §. ult. in consulti hominis stultitiam & errorem, ἀβουλία interpretatur. Cum ergo nulla sit erroris fideiussio. l. 27. si quis postquā De fideiuss. sequitur in d. l. 15. Marcellus fideiussorē scientem prudentem nullōque errore ductum pupilli furiosi ac prodigi obligationi accessisse: ideōq; teneri, & quidem in solidū: exemplo eius, qui pro seruo fideiussert. l. 35. cū fideiuberet. eod. tit. itaque accipiendus est vers. *magis esse, ut ei non subueniatur: quoniā his* (alias *hic*. id est in hoc casu) *mandati actio non competit.* Quī enim furiosus consensus expers quum mandatum consensu contrahatur, mādare potuit? l. 2. De ob & act. Quod si quis fortē contendat, in rem pupilli, prodigi, ac furiosi fideiubenti succurrēdum esse, actione negotiorū gestorum; nō inuitus, quoniā id equitas postulat, assentiar.*

A D legata corpora pertinet vulgaris prorogationis formula, QV AS PECVNIA S LEGAVI QVIB; DIES ADIECTVS NON EST, EAS HERES ANNUA BIMA TRIMA DIE DATO: sed ad eas tantū res, quæ pondere, numero, mensuraūe, continentur.

L.j.

l. 19. legata. l. 30. talis De leg. 1. v. latè patens alio-
 cū pecuniæ vocabulum ad nummorum & quan-
 titatis angustias contrahatur, vt & in l. 7. §. mutuū.
 Ad S. C. Maced. Neque Mecianus obloquitur in
 specie l. 95. De leg. 3. QVIS QVIS MIHI HERES ERIT,
 DAMNAS ESTO DARE, FIDEIQ. EIVS COMMITTO,
 VTI DET QVANTAS SVMMAS DICTAVERO, DEDE-
 RO. Eo sermone res quoque corporales, veluti præ-
 dia, vestis, argentum, mancipia continentur. Ideò
 quòd huic interpretationi cū verborū significa-
 tio, tum defuncti voluntas suffragetur. Hæc enim
 verba *Quantas*, & *summas*, non ad numeratam dū-
 taxat pecuniam referūtur. Plautus *Quanta ista sum-
 ma hominum est?* Et verò frustra testator eiusmodi
 præfationi res corporales adiecisset; si pecuniam
 tantum, hoc est nummos præstari voluisset. Adeò vt
 idem ipse statuam, si testator ita scripserit, *Quas pe-
 cunias*, tametsi alij dissentiant. Diuersa vtriusque spe-
 ciei ratio est: in priore de proroganda legatorum
 die agitur: posteriore nihil tale proponitur. Multò
 autem expeditior promptiorq; est solutionis earū
 rerum diuisio, quæ pondere numero, mensura;
 quàm quæ corporibus continetur. Diuisa nanque
 corporum solutio nō expertem molestiæ, litiumq;
 inter consortes procreatricem communionem in-
 ducit l. 8. si ex toto si. De leg. 1. l. 85. in executione

§. pro parte. De verb. ob. l. 5. De stip. seru. l. 9. stipulatus §. qui x. De solut. Quamobrem nihil impedit, quominus in d. l. 95. quisquis, generalis pecuniæ appellatio ad corpora, cæteraque quæcunque habentur in patrimonio, referatur. l. 5. l. pecuniæ 1. 2. De verb. sig. l. 2. C. de const. pec. D. Augustinus sermone. ccxxxix.

*An ulli sint Affinitatis gradus: Litigiosi pœna
utrum fisco, an verò priuato applicetur.*

CAPVT. XXVI.

MODESTINO gradus affinitatis nulli sunt. l. 4. De gradib. Paulus contrà, eiusdem tractatus cap. ult. Iureconsultum cognatorum gradus & affinium nosse debere scribit. Quin etiam Donat⁹ illud Heautont. enarrans, imò gener & affines placet. *Non est Donat⁹*
Vxoris (inquit) cognati sunt affines mariti. Vnde multi *h.*
gradus sunt, & veluti rami propinquitatis in affinitate & cognatione dispositi. Hic non institui aliorum coniecturas & emendationes sequi: laceffere multò minus. Ita profectò res est. Non sunt, quod quidem ad ius succedendi attinet, ulli affinitatis gradus: sed quod ad interdictam nuptiarum facultatem. Affines ascendentium & descendentium loco sunt in copulando matrimonio: in deferenda iure affini-

L.ij.

ratis hereditate nulli numerantur gradus. glos. Basilic. lib. xlv. tit. iiii. veluti inter priuignum, vitricum, & nouercam. l. 3. l. 5. l. 7. affinitatis Comin. de success. C. Solo etenim consanguinitatis iure, si mutuam coniugum, & collegarum, fisci que successionem excipias, hereditates deferuntur. l. antep. pen. & ult. C. comm. de success. Nouel. ii8. princ. Sic in nuptiis seruilis cognationis rationem haberi, in successionibus, non item, & monachis cognationem non esse in terris Iustinianus ait Nouel. 133. συγγενείας τοῖς μοναχοῖς ἐπὶ γῆς οὐκ εἶναι.

LITIGIOSI pœna, sicut ferè quæ à xii tab. manant, inficiationis, furti, tutelæ, tigni iniuncti & cæt. in duplum concepta est. Sed ea priuato inferenda sit, an fisco discrepare videtur à Caio Iustinianus: hic fisco, ille aduersario duplionem tribuit. Qua de re seu lite ita censeo. Æquius esse (quæ iuris, quod tēpore Caij obtinebat, conditio fuit) priuato damnum & molestiam passo, pœnam doloris leniendi causa acquiri, quàm fisco. l. ult. D. de litig. Quemadmodum ob iniuriam stupri bona raptoris vitiatę puellę addicuntur l. vn. C. De rap. virg. non fisco: sicut fiebat antea. l. ult. De rap. vel matr. sanct. C. Th. Plutarchus περὶ φιλαδελφ. ἀρπάσας γυνᾶν καὶ χαλιδιχαθῆς ἀπώλεσε τὴν οὐσίαν εἰς τὸ χάσματος ἑαμῆϊον χαλὰ λειψήσαν. Nouella Leonis xxxv. At iure nouo,

quod Iustiniani constitutione introductum est, cū inanis ac nulla prorsus rei Litigiosæ alienatio sit, Nouel. cxix. cumque priuatus irrito aduersarii conatu non lædatur: meritò iam tota dupli pœna fisco vindicatur. l. ult. C. De litig.

Tres controuersi iuris de Statuliberorum quæstione, solutione, ac pretio quæstiones dirimuntur.

CAPVT. XXVII.

STATVLIBERI à cæteris seruis nihilò penè differūt: ideoque quicquid statulibera pepererit, heredis seruum est, vānundari, oppignerari, noxæ dedi medio tempore possunt. l. 13. grege. De pign. l. 9. statuliberum. l. 16. statuliber. l. 25. statuliberos. De statulib. denique easdem pœnas patiuntur, quas cæteri quoque serui solent. l. 29. statuliberi à cæt. eod. tit. Atenim Vlpian. statuliberum quasi liberum eum iam puniendum D. Pium rescripsisse auctor est. l. 9. moris fi. De pœn. & Modestinus Statuliber, inquit in delicto repertus sperandæ libertatis prerogatiuā, non ut seruus ob ambiguum conditionis; sed ut liber puniendus est. & torquendus: sed retentâ libertatis spe. is cui fide commissa libertas debetur, nō aliter ut seruus quæstioni applicatur, nisi aliorum quæstionibus oneretur. l. 8. edictum fi. l. 14. statuliber. l. 19. is cui De quæst. Hic lupum auribus teneri ab iis video, qui
L. iij.

oscitantius ista responsa lectitarunt. Quorum un⁹ hoc primum emendationis specimen dedit: ut ex *Ideo nobis negationem non effingeret, itaque legeret d. l. 29. statulib. sed non in publicis iudicijs.* Alter hæc Vlpiani verba *Statuliberum quasi liberum eum iam puniendum*, sic interpolat, *Statuliberum quasi liberum esse iam puniendum.* Tertius d. l. 9. moris, quæ Vlpiani est, ius nouum Antonini rescripto inductum contineri arbitratur, quo Pomponii (auctoris d. l. 29.) responso derogetur. Mihi verò, cui isthæc remedia parum placent, verecundius videtur, inter publica priuataque iudicia distinguere; & in his sperandæ libertatis prærogatiuam statuliberis seruare, eosque siue in statuenda pœna, siue quæstione decernenda liberis hominibus adæquare: in illis verò, iisdem pœnis, quas serui patiuntur, subicere. Ita ut d. l. 9. moris, ad priuata. l. 29. ad publica iudicia referatur. Hoc leuiorum grauiorūque delictorum discrimen cum Modestini verba probant: tum verò propositum à Paulo exēplum Adulterij (quod publicis iudicijs adnumeratur) non mediocriter confirmat. d. l. 8. edictum si. Denique hîc addeò apertè Basilic. lib. 48. tit. 5. scholia distinxerunt; ut non sit amplius de scripturæ fide dubitandum. S E D I A M alterum ex eodem propemodum fonte ortum iuris dissidium componamus.

Statuliber interim est heredis, pendente conditione. d. l. 9. statulib. De statul. l. 12 & post. fam. ere.

At is qui hominem debebat, Stichum cui ex causa fideicommissi præstanda est, solvens non videtur liberatus.

inquit Marcellus. Pomponius verò. *Si quis seruum, quem dare promisit, heres à domino scriptus statuliberum dederit, liberatur* Et cum, qui hominem dare promisit, si statuliberum soluat, non esse expectandam conditionem magis putat Africanus l. 72. qui x. l. 92. si mihi l. 38. cum quis De solut. Sed multum interest certum quempiam, an in genere hominem debeamus. Quisquis hominem infinite debet, eum qui auocari nequeat, omnino dare tenetur. Nam generis indefinentem perpetuitatem, nec vllum quantitatis interitum esse placet. l. 11. Incendium C. si cert. pet. l. 30. in ratione. §. incertę. Ad leg. falc. At certi hominis debitor, dando statuliberum, postea manumissum, quam promiserat, liberabitur; Si modò promissoris culpa, vel mora abfuerit. Id est, si nec occiderit statuliberum, nec libertate donarit. Nam qui manumittit seruum, perinde ac si perimeret, sustulisse è commercio videtur; ac efficere, ut in ea causa homo præstari non possit: cum manumissio morti compareretur. l. 5. De nox. act. l. 46. inter. De furt. l. 27. si seruus §. serui. De adim. leg. l. 98. qui res §. arcam. De solut. Hoc ita, si ex lu-

cratiua non onerosa causa debeat. l. 69. Neratius
 De cond. ind. d. l. 52. si mihi. POSTREMVM est,
 quāti statuliber æstimeretur. Quāuis seru⁹ post mor-
 tem testatoris apud heredem obiens, heredi pereat
 l. 73. in quantitate. De leg. fale. Tamen si sub con-
 ditione liber esse iussus sit, si vita decesserit, impleta
 conditione, heredi non perit: Quòd si ante condi-
 tionē, heredi quidem peribit, sed quanti statuliber
 æstimatur. l. 2. §. si seruus eod. tit. ut neque planē
 liber, neque seruus censeatur, 1. De statul. Vlpian.
 fragment. tit. 2. pr. Statuliberi autem æstimatio
 nulla est, quia hereditatem non auget. l. 38. statuli-
 ber. eod. tit. propter incertum videlicet conditio-
 nis euentum, dubiamque ex testamento libertatē.
 d. l. 12. & post. l. 11. statulib. De leg. 2. Quamuis
 statuliber interea heredis sit, possitq; alienari. d.
 tit. 2. §. 2. & heredi acquirat, & statuliberæ enixæ
 partus sit heredis, & res sua cuique pereat l. 8. pig-
 nus C. de pig. act. eius autem sit damnum, cuius
 & lucrum est. l. vn. C. de cad toll. l. 10. secundum.
 De reg. iur. Tamen in ponenda legis falcidię ratio-
 ne patrimonii quantitas, ob ancipitem conditio-
 nis euentum, in quem statuta est libertas, aucta nō
 videtur: adeò ut conditionali libertate legata, cau-
 tio præstetur. l. 1. §. hæc verba si. Si cui plus. Ut au-
 tem res, quarū ab initio certa æstimatio est, heredi

in quartam imputantur: & si incerta, non imputantur. l. ii. in ratione §. i. & §. §. seqq. Ad leg. Falcid.

*Curnam periurij damnatis interdum manus,
interdum lingua abscinderetur.*

CAPVT. XXVIII.

OMNIVM propè gentium moribus & institutis obtinuit, vt quibus membris ac instrumentis deliquissemus, & per ea plecteremur: adulteris testes demeteretur, seruis fugitiuis pedes amputarentur. l. 3. C. De seru. fug. parricidæ & patris pulsatori manus: Quintil. declam. 158. 162. 172. itē falsario. Suetonius Clāudio. & ei qui contra leges apocham conscripserit. Nouel. 17. qui prædiis alienis titulos affixerit. Nouel. 30. qui hæreticorum libros scripserit. Nouel. 42. qui prædii clientelaris seu beneficiarii alienationem tāquam tabellio exceperit lib. 2. feudor. tit. 52. §. callidis. qui sæpius cadauera sepulta, auro & ornamentis vnà vt fit, cōditis potiturus, expoliarit. Harmenop. lib. vi. tit. v. Vt non abs re maiores quoque nostri, illam veritatis temeratricem manū periurii damnatis abscindi voluerint. cap. Lii. legis Salicæ. Totilam episcopo mendacii conuicto, ambas manus præcidisse refert Procopius lib. i. de bello Gotthic. Priscos admota aris dextra iurasse, testis est illa Solonis vox

μέγιστος ὁ μάρτυς: testis & ara Victoriae, de qua Symmachus lib. 1. epist. 40. & d. Ambrosius ac Prudentius tanta animorum contentione dimicarunt. Nunc ferè Christiani propositis & contactis sacrosanctis Euangelij iurare solent. Sozomenus lib. vi. cap. xxx. l. 7. C. De cur. fur. *περὶ τῶν ἀγίων εὐαγγελίων.* Nouel. 50. 72. 90. 124. Harmenopulus lib. 4. tit. de Episcop. & cler. & alijs sexcentis locis. Hinc illa in Frisonum legibus tit. 16. manum redimere: & iurare manu lib. 2. Feudor. tit. 27. §. si rusticus. manus quarta, manus septima c. 5. de frigid. & malef. Langobard. leg. tit. 35. §. ult. Sed & dextra fidei symbolum & foederis membrum est. Donatus in Andr. Terent. act. 1. scen. v. Hesychius *δεξιὰς* interpretatur pacta conuenta, à percutiendis manibus: *δεξιὰς αἱ γινόμεναι κατὰ συνθήκας ἐπαφῇ τῶν δεξιῶν*, eis σύμβολον τῶν βεβαιῶν ἔσται *καὶ ἡ * μετὰ τὰ συνθήματα.* T. Livius lib. 1. decad. 1. *manuque ad digitos usque inuoluta rem diuinam facere, significantes fidem tutandam esse, sedemque; eius etiam in dextris sacratam esse.* Dion Prus *ἐπὶ τῇ ἀπίσκει*, agens de iureiurando *πὶ δὲ ὁ βασιλεὺς οὐ καὶ τοὺς βασιλεῖς θεοὺς, καὶ τῶν δεξιῶν ἀπέστειλε.* Corn. Tacitus ad finem lib. xvii. *dextras, hospitij insigne.* lib. xviii. *Centurionemque Sisenem, dextras concordia insignia, Syriaci exercitus nomine ad Pratorianos ferentem, varijs artibus aggressus est.* Seneca Hercule furente.

Sociemus animos, pignus hoc fidei cape; Continge dextram. Triplicem fanciendæ fidei rationem recēset interpres Aristophanis Acharn. verbis, re, manu. *ἡ δὲ χειρὶς δὲ, ἐπιδόχῃ πίστεως ἡ δὲ τῶν δειγμάτων γινώσκται.* Hinc fortè descendit illa Salicis & Langobardicis toties repetita legibus locutio, *facere rings* pro pacifici: cū germanis etiamnum *Dingen* iāgere, & manu pacisci significet: Et promittere pro fidem obstringere, à protensione manuum Lucanus lib. i.

— *His cuncta simul assensere cohortes, Elatasque altè quæcunque ad bella vocaret, Promisere manus.* En cur periura manus exsecaretur. Quamquam & lingue euulsione periurium olim vindicatum fuisse legimus. Harmenopulus lib. i. tit. vii. fi. Quisquis aut iudice deferēte, aut postulante aduersario, iusiurandum in ecclesiā susceperit, contractis Euāgeliiis, *ἐπορκεῖν ἐλεγχθεὶς γλωσσοκοπέσθαι.* Eiusdē pœnæ meminit Lucianus Toxari: & Iustinianus legum rusticarum tit. iii. l. pen. *Ἐλέγθῃ ἐπὶ δύο καὶ τριῶν μαρτύρων ἀξιολύτως, ὅτε ἐπορκήσῃ γλωσσοκοπέσθαι.* hoc supplicium Blasphemis diras in Deum voces iactantibus nostræ leges irrogarunt: eadem ratione, qua & in delatores l. i. tit. v. lib. x. C. Th. & nutricibus meatus oris, & faucium, qui nefaria horramenta corrupendis virginibus protulerunt, liquentis plūbi ingestione clauditur. l. i. C. Th. De rap. virg. M. ij.

Adl. 1. §. Medicos. De varijs & extraordinar. cognitionib.

CAPVT XXIX.

MEDICIS vacatio & excusatio munerum, priuilegia debentur; salaria quoque constituuntur: si periti, si probati sint, & intra numerum l. 1. l. 5. C. de profess. & med. l. 6. De excus. tut. l. 1. De decret. ab ord. fac. Quamobrem dubitationi occurrens Vlpianus, & quinam medici censendi sint, definiens; *Medicos fortassis quis accipiet*, inquit, *etiam eos, qui alicuius partis corporis, vel certi doloris sanitatem pollicentur: ut puta si auricularius, si fistulae, si dentium.* Quidam codices habent *auricularum*: nonnulli manuscripti modò *oculorum*, modò *ocularius*. Qua varietate ad coniecturam fortè non vanam ducor, ut legam, *ocularius*, qui videlicet oculos affectos curat, qui Corn. Celso medicus ocularius, Herodoto *ὀφθαλμῶν ἰατρός* dicitur; Martiali Ophthalmicus. lib. viii. Ludit in militem, qui prius mendendorum oculorum artem professus, multos imperitiâ perdidisset.

Hoplomachus nunc es, fueras Ophthalmicus antè:

Fecisti medicus, quod facis hoplomachus. utroque vitæ instituto homines multos è medio sustulisti. Huic interpretationi (quam tamen, cum sint & *αἰσχροί* medici, nolim pertinaciter defendere)

succenturiatur & frequentior oculorum, quàm aurium affectio; & accersendum non procul exemplum ex l. 3. eod. tit. de medico, cui curandos suos oculos, qui eis laborabat, commiserat &c. Ait, non tamen si incantauit, si imprecatus est; si ut vulgari verbo impostorum utar, si exorcisauit. Non sunt ista medicinae genera; tamen si sint, qui hos sibi profuisse cum predicatione adfirmant. Nihil erat, cur ab hac scriptura recederet, quòdque omnibus in libris atque adeò florentinis rectum est, impostorum, deprauaret in impostum Alcibiades lib. viii. parerg. Qui & in eo labitur, quòd ad Christianorum sectam allusum arbitretur ab Vlpiano; & impostores dici exorcistas; qui nondum Caracallæ & Alexandri seculo, quo vixit Vlpianus, vlli erant: à Constantino primùm in Ecclesiam introducti. Verius itaque est, hinc circumforaneos quosdam nebulones, falsò sibi medicorum nomen arrogantes significari: quum non essent ab ordine probati. Tamen si eiusmodi Empeiricorum ars quibusdam salutaris fuisse diceretur. Nam & Plinius lib. xxv r. r. cap. 11. disputans, an sit in medendo aliqua vis verborum, M. Seruius Nonianus inquit, in metu lippitudinis; priusquàm eam nominaret, aliusue ei prediceret, duabus literis grecis: Π. Α. chartam inscriptam circumligatam subnectebat collo. Mutianus ter consuebat eadem obseruatione viuentem muscam linteolo albo: his re-

medicis curare ipsos lippitudine prædicantes. Carmina quædam extant contra grandines (l. 4. C. De malef. & math.) contraque morborum genera; contra ambusta, quædam etiam insperata; sed in prodendo obstat ingens verercundia. Matamem Catonem auxiliatricem luxu excantandi formulam prodere non puduit, *rata, daries, dardaries, astataries, dissunapiter*. Idem & hanc concepit, *huat banat huat ista pista sista domiabo damnaustra* &c. cap. cix. De re rustica. Quin. & Trallianus rationem ac viam amuleti ex annulo ferreo ad doloris cholici curam tradit, *δακτύλιον σιδεροῦ ποικίλον γὰρ τὸ χρυσέδιον αὐτὸς οὐ δύνανται, καὶ οὕτως ἐπιγράφει, φεβή φεβή ἰου γαλίη*. Quamvis ergo quibusdam profuerint, non tamen habebuntur medicorum loco: quod probat inobis fuerint. Longè autem diuersa fuit inter Christianos eorum ratio & industria, qui ope diuini numinis implorata, & ægitudines cum animi ac corporis sanantes, tum demonia expellentes, Exorcistarum nomē, ex se ipsa meruerunt. De quibus ne in somnijs quidem cogitauit Vlpianus. De ijs c. 9. Chartaginens. concilij. *III*. agitur: nec pauci ecclesiasticæ rei scriptores locupletissimi, Theodoretus lib. 4. cap. 21. lib. 5. cap. 21. Nicephorus lib. *II*. cap. 20. Sozomenus lib. 4. cap. 16. lib. 6. cap. 28. meminerunt.

*Quædam in iure nostro, in prætextum & perfunctio-
nē tantum excogitata videri.*

CAPVT. XXX.

PLERÆQUE dicis causa fiunt; quorum nul-
la idonea ratio reddi possit: præter quàm quòd
ἀνεπαρκὴς ἴνα, & inanem honesti prætextum habe-
re videātur. Vt cum quod alteri debeas, id à temet-
ipso exigas l. 6. si pupilli. ff. De neg. gest. l. 23. sedet
ff. 1. De pet. her. l. 69. tutor. De fideiuss. tibiūe sol-
uas. l. 9. quoties. De adm. tut. vel quem subijcis;
qui nomine creditoris abs te petat. l. 19. atquin. §.
cum me absente. De neg. gest. Vt cum liberi muta-
to actionis nomine, idem quod accusatione (quàm
in patrem non licet intendere) consequuntur. l. 17.
Si ramen §. liberi. De accus. & cum Romæ non si-
ne ignominia debitorum bona voci subiecta præ-
conis venderentur, Cicerò pro Quintio; vt illibata
ciuium existimatio seruaretur, seruus heres neces-
sarius instituebatur, cuius nomine defuncti domi-
ni bona venderentur. l. 2. C. de nec. seru. §. 1. quib.
ex caus. man. §. necessarii, De her. qual. & diff. &
utrobique Theophilus: vel curator constituebatur,
ne clari hominis, veluti senatoris obærat dignitas,
bonorum venditione læderetur. l. 5. De cur. fur.
Sic cum serui pro præmio libertatē donarentur, l.
pen. l. ult. C. quib. ex caus. ser. pro præm. lib. acc. &.

verò seruus dominum deferēs; et si obiecta probet, nihilominus tanquam proditor puniretur. l. 6. seruum. De delat. C. lib. x. l. ult. lib. x. tit. v. C. Th. ecce P. Supplicium hostem reip. à senatu iudicatum in villa latitantē cum seruus prodidisset, manumissus quidem est, sed ob indicii perfidiam, de saxo deiectus. Valerius lib. 6. cap. 5. Liuianæ epitomes lib. 77. apud Xiphilinum, seruus quidam inter milites, ut miles deprehensus, è cliuo Capitolino præcipitatus est, datâ prius ei libertate; quò maiorem auctoritatem haberet animaduersio. Et cùm Romæ Virginem necari nefas haberetur, Seiani filia à carnifice compressa prius, deinde strangulata, & in Gemonias abiecta: ut Suetonius Tiberio, Corn. Tacitus lib. v. & Dion tradunt. Ex quo obiter Xiphilini locum literæ vnus penuria fœdatum emendare licet: quem latinus interpres non est assequutus. — τῆς κόρης ἀποδεδωραμένης ὑπὸ τοῦ δήμου. legendum δημῖα. Id est prius à carnifice violata: sequitur enim, ὡς οὐχ' ὅστις ὄν παρθενομένην ἴνα ἐν τῷ δεσμοτηρίῳ διολέσῃ. Pontificum quoque scitis sacerdotem occidere piaculum est: at si in atrociori delicto deprehensus reus, peragatur, positus pontificiæ dignitatis infulis, exauctoratus tortoris brachio mactandus à suis deditur. c. 10. cū non ab, extr. De iudic. Qui illicitas vsuras iura-

tus promisit, soluere quidem ex urbane. III. constitutione tenetur; mox deinde solutas repetiturus. Idem ferè Plutarchus problem. 131. de *παλινομία* Megarensium refert: qui facto plebiscito, vsuras iam depensas à creditoribus reposcebant. Attamen eo circuitu superfedere, nulloque periurij metu solutionem initio detrectare licuit. c. 25. c. 26. extr. De iureiur. c. non est oblig. De reg. iur. vi. Aut si iure debetur, ne sic quidem soluens, quod post recipiat atque auocet, liberatur. l. 34. qui hominem. l. 55. qui sic. De solut. Verum is sacramenti religioni quæsitus est color. cap. 6. debitores. De iureiur. extr. Cuius generis sunt, & illa de parricidio iudicia apud Val. Maxim. lib. 8. cap. 1, in Prætura M. Popilij, & P. Dolabellæ proconsulatu: in quibus neutram in partem latis sententiis, reæ nec apertè damnatæ, nec absolutæ sunt, causâ in seculum ampliata. Centesimo enim post anno, cū accusatore mulierem adesse iusserunt, inquit Ammian. Marcellinus lib. 29. Agè verò cū vitæ humanæ modus eo spatio ut plurimum cōcludatur l. 59. an vsuff. si. De vsuff. l. 8. De vsuf. leg. l. ult. C. de sacr. eccl. cedo, quid aliud iudices fecissent, si absoluere voluissent? Iudicium rei morte soluitur, l. 15. in Senat. §. si propter Ad S. C. turp. qui in reatu decedit, integri status decedit. ac mortalitate crimen extinguitur. l. 3. l. 6. De pub.

1.3.re. am. ἀφαιρου, ἀπὸ τῆς κλοπῆς. Harm. lib. 1. tit. 3.

Deminutum auctumue dictionum principium, aut extremum: productaque nonnulla utriusque vitij exempla.

CAPUT. XXXI.

MV T I L V M est passim principium l. 5. De testam. in qua dictio A. ceteris in libris, si Florētinos excipias, desideratur: *Qua etate, pro A qua etate.* Ab eodem vitio laborat l. 1. §. hæc interdicta. De aqu. plu. Caput aquæ illud est, unde aqua nascitur: si ex fonte nascitur, ipse fons; si ex flumine vel lacu ipsa incilia, vel principia fossarum, quibus que ex flumine vel ex lacu in primum rivum communem pelli solent. Sic habet florentiâ allatus & exscriptus codex, quibus quæ. Haloandrinus, quibusque, coniunctim. Aquæ, quæ capite minuitur, suum caput restituendum, cum ex membrana manuscripta, tum ex verustissima editione, deprehendimus: quibus aquæ. indicat & res qua de agitur, & quod proxime sequenti versiculo Ulpianus, planè inquit, si aqua sudoribus manando in aliquem primum locum effluere, atque ibi, apparere incipit, eius hoc caput dicemus, ubi primum emergit. Et M. cum sepe aliàs, tum in dictione mea desideratur. l. 24. quod in rerum §. & si navē. De leg. 1. eam, florentiæ meam, eodem tamen sensu legitur. & mea, demonstratio est; quæ interdum detrahit legato idque exiguius

reddit l. 6. cod. tit. l. 46. ea tamen De leg. 3. Variè
 scriptum circumfertur initium l. 3. De act. emp.
ratio, datio, tratio, pro traditio. quamquam ratio pos-
 sessionis, cur non æquè rectè, ac à Plinio, ratio cõ-
 positionis medicamentorum dicatur? lib. 39. cap.
 12. Ad finem l. 4. De seruit. *res illæ transducantur*, flo-
 rent. *grex ille transducatur.* Apud Arnobium lib. 2.
 aduersus gentes, *per clarigationem res aptas repetitis.*
 nemo non videt, deesse literam caninam; eaque re-
 stituta *raptas* esse legèdum. Capitolinus in Pertina-
 ce, *reuocauit eos* (*pro reos*) qui deportati erant, crimine
maiestatis: eorum memoriâ restitutâ, qui occisi fuerant.
 Exemplum pertinet ad l. 7. De leg. 3. Haloander.
 l. ult. C. de malefic. *eum pro reum.* l. 4. cod. *uentis*
pro ruentis in l. 16. idemque si. pro soc. *ed pro sed.* vi-
 tium pro initium. l. 225. fugitiuus. De verb. sig. l. 235.
ferri cod. tit. *fabros ignarios dicimus*, non eos duntaxat,
qui digna dolarent, sed omnes qui edificarent, pro tignari-
 os, vel lignarios, id est rectoras quos l. 27. si seruus.
 De leg. Aqu. l. 4. comm. quos *ἀμυνόμενοι* vocat
 Eustatius in Homerum. L. 135. quæret. De verb.
 sig. *equalem visu*, pro *inequalem*. Et *ulla* pro *nulla*.
 l. 1. De rer. per. aut pro *haud*. l. 1. De solut. & Ouid.
 Trist. lib. 1. eleg. 7. *Aut mala nostra minus, quàm*
non aliena putasses. pro *haud*. Suetonius. *Æsar pro*
Cæsar, fulmine ablatâ primâ nominis literâ. Et Zo-

naras tom. 2. καὶ χειραυτὸς εἰς ἐκείνα αὐτοῦ ἐμπεσὼν τὸ πρῶτον
 χράμμα τῷ ὀνόματι τῷ χρίσταιρος ἠφάνισται. Theophilus §.
 quod si frumentum, De rer. diuis. οὐ τὸ αὐτὸ γνήσιται:
 nullam in latino archetypo (à cuius vestigijs vix
 vnquam longius aberrat) negationem inuenias,
 sed affirmationem : quare absentis vnus literæ T.
 restitutione sententia sarcietur, τὰ τοῦ hoc, pro οὐ τὸ.

Vt autem detrahitur, ita interdū principio ad-
 ditur aliquid, l. 1. fi. De vent. in poss. mitt. *tandiu ven-*
ter in possessione esse debebit, quādiu, vt pariat. Sic enim
 detracto principio *vt pro aut* Ranconetus legendū
 censuit. *vindicare pro indicare* l. 3. ad S. C. Syll. l. 18.
deferre §. veterani, De iur. fis. id est indicium pro-
fiteri. l. 1. ad l. Corn. de sica. l. 197. *indicasse, De*
verb. sig. Plinius lib. 3. ep. 16. In eodem vocabulo,
contraria peccatū est culpa: in D. Augustini epist.
164. peculatus inquit, dicitur furtum de re publica, &
nō sic indicatur furtum rei priuata, quomodo publica: pro
vindicatur. arg. l. 16. aut facta §. loc⁹. De pœn. *in cto-*
res pro vinctores l. 203. in lege Cens. de verb. sig. bene
 nuper P. victorius admonuit: cui potius, quā ijs,
 qui vel *actores* vel *ianitores* legunt, vt assentiar, facit
 Plini⁹ lib. 29. c. 1. Arrianus apud Epietū lib. 3. cap.
 26. fi. Ablatum à fine S. l. 3. Si fam. fuit. *furti*
noxāq; solutum. pro *furtis* vt aliās sæpe: ex frequenti
 in seruorum venditionibus ventalitiorum con-
 N. iij.


suetudine τὸ μὴ κλέπτειν Philostratus de Apollonio lib. 3. Varro. *Illum hominem de quo agitur, sanum esse furtis noxisq. solutum; si mancipio non datur, duplam dare spondes?* l. 3. De euiet. l. 45. si à substituto De leg. 1. *Et nihil agi existiment pro existimentur* l. 30. non solū. De De ob. & act. *Demolit, pro demolitur* l. 15. à diuo. De re iud. *iubent, florentiē; vulgò iubentur:* de quo certum est aliàs dicere. Redundat. M. in l. 23. solutionem De solut. quē à Florentinis & omnibus cheirographis abest. meritò: quid enim obtrusius, quàm solutionē accipiēdo me liberari? quasi verò creditor, non debitor potius liberari dicatur. Nemo enim pro alio solutionem accipiēdo, eum liberat: At solutione & iudicij acceptione à quouis debitorem liberari posse, manifestum est l. 33. solutione l. 91. si debitor eod. titl. 39. soluendo. De neg. gest. l. 17. manifesti: C. eod. actor pro actori l. 8. fam. ercis. male scribi, & ante nos alii annotarunt. Ad ditamento literæ D. fere deperit. scita & elegans loquendi forma, *Quò bonum:* l. 3. De bon. possi. contr. tab. *quò bonum est, contra tabulas dari* & l. 10. si post. eod. tit. *quò enim bonum est, eis fauere, ut partem faciant, nihil habituris?* l. 13. aliquando fi. ad. S. C. Velle. vulgata lectio perpetuò habet, *quod bonum;* idque perperam: sed multò foedior tüber agnatus excidendus ex l. 4. Si quis caut. *dixerit aliquis, quid*

*ergo proderit? Florentin. quò ergo? rectè; vacat enim
nò proderit: nec aliàs inuenuitè supprimitur. Horat.
Quò mihi diuitia, si non conceditur uti? Cicero Gallo,
Martis verò signum, quò mihi pacis auctori? Sed iam sic
ἀπορρησάμεν finis. Etenim istarum meruncationū
puduisset: nisi si parum grati Hyperphiali furtim
quę prius ipse exherbaram, in hortorum suorum
oras, areas, & spatia transtulissent.*

FINIS.

11-11-11
The following is a list of the names of the persons who have been
admitted to the hospital since the 1st of January 1911. The names are
given in alphabetical order of the surnames. The names of the persons
who have been admitted to the hospital since the 1st of January 1911
are given in alphabetical order of the surnames. The names of the persons
who have been admitted to the hospital since the 1st of January 1911
are given in alphabetical order of the surnames. The names of the persons
who have been admitted to the hospital since the 1st of January 1911
are given in alphabetical order of the surnames.

11-11-11



11-11-11
11-11-11